

10мз 5/5

ТЫВА РЕСПУБЛИКАНЫҢ ГУМАНИТАРЛЫГ
ШИНЧИЛЕЛДЕР ИНСТИТУДУ

ТЫВА ОРФОГРАФИЯНЫҢ БОЛГАШ ПУНКТУАЦИЯНЫҢ ДҮРҮМНЕРИ

Тыва Республиканың Гуманитарлыг
шинчилелдер институтунуң чанында
Терминология комиссиязы бадылаан

Ийиги үндүрүлгези.



Республика типографиязы
Кызыл — 2001

Филология эртемнеринң докторлары
Ш. Ч. Сат, А. Ч. Кунай рецензиялаан.

Харыысалгалыг редактору
филология эртемнеринң кандидады
Д. А. Монгуш.

Правила тувинской орфографии и пунктуации. Утверждены
Терминологической комиссией при Институте гуманитарных
исследований Республики Тыва.

В брошюре изложен свод правил тувинской орфографии и пунктуации, подготовленные к новому изданию кандидатом филологических наук З. Б. Чадамба, заслуженным учителем школ РСФСР М. Д. Биче-оолом. Ответственный редактор кандидат филологических наук Д. А. Монгуш.

В Правилах узаконены правописания литературного тувинского языка, обязательные для всех пишущих на нем.

4306020000—00
№ 24—13—2001 без объявл.

ISBN 5—9267—0019—1.

© Тываның ном үндүрөр чери, 1986 ч.
© ТР-нин Гуманитарлыг шинчилелдер
институду, 2001 ч.
© Республика типографиязы 2001 ч.

Бирги үндүрүлгезиниң эгө сөзү

Тыва орфографияның (шын бижилгениң) болгаш пунктуацияның (бижик демдектерин хереглэринин) дүрүмнери тыва чугааны бижикке дамчыдарының аргаларын тодарадып чурумчуктан дүрүмнерин системазы болур.

Орфографияның негелдезин ёзугаар тыва бижикти ажыглап турар кижи бүрүзү сестерни бодунун адап чаңыкканын азы хууда бодалын эвес, а орфографияда дүрүмчүткенин барымдаалап, кандыг-даа хажыдыг чокка бижиир ужурлуг. Чүгле ындыг негелде сагыттынган турда, бижээн чүүлдүн утказын номчукчу бүрүзү долузу-билип ап шыдаар.

Пунктуация бижимел чугааны утка болгаш интонация (ун аяны) талазы-били кезектерге чарып, ону шын, дүрген билип алрын хандырап. Бир эвес бижимел чугаага бижик демдектерин хереглевес ийикле, шын эвес салыр болза, оон утказы билдинмейн барып азы соора билдинип болур.

Мынчангаш пунктуация база, орфография-били бир дәмей, литературулуг дылдың нормажыдылгазынга улуг ужур-дузалыг болгаш тускай дүрүмнерлиг.

Орфография болгаш пунктуация талазы-били чаңгыс аай дүрүмнерни шыңгыры сагырыры ылангыя аныяк бижиктиг тыва дылга онза чугула болгаш литературулуг дылдың моон сонгаарғы хөгжүлдезинге, чоннун бижик-биликтег чоруунун өзүлдезинге дөгүм болур.

Амгы үеде литературулуг тыва дылдың чон ортузунга нептереп, хөгжээни-били чергелештир оон орфографиязы болгаш пунктуациязы нийтизи-били турумчуп быжыккан. Моон-били кады шын бижилгениң-даа, бижик демдектерин хереглэринин-даа чамдык дүрүмнерин чоорту улам тодарадырын, чигзиниглиг азы маргылдаалыг айтырыгларны чогумчалыг шиитпирлээрин чечен чогаалдың болгаш литературулуг дылдың хөгжүлдези, парлалга болгаш школа практиказы негеп турар.

Тыва орфографияның болгаш пунктуацияның дүрүмнеринин бо чыныңдызын 1967 чылда үнген “Тыва дылдың орфографтыг слова-рынга” капсырган “Тыва орфографияга” болгаш 1963 чылда профессор

А. А. Пальмбахтың редакторлааны-бile М. Д. Биче-оолдун үндүргени "Тыва пунктуация" деп номунга үндезилеп тургускан. Шын бижилгениңдаа, бижик демдектерин хереглээриниң-даа дүрүмнеринде үндезин ескерилгелер чок. Орфографияда нарын сөстү шын бижириң, улуг үжүкүт хереглээрин элээн делгереңгей тайылбырлар кирип тодараткан болгаш чамдык дүрүмнерин тайылбырын экижидип, чижектерин немээн. Пунктуацияда чамдык параграфтарны кызырган болгаш катыштырган, элээн көвүдээн болгаш эргижирээн чижектерни эвээжедип, оларны чаа чижектер-бile солаан.

Орфография дүрүмнериниң бо үндүрүлгезин З. Б. Чадамба, а пунктуацияны М. Д. Биче-оол белеткээн, редактору — Д. А. Монгуш. Филология эртөмнериниң докторлары Ш. Ч. Саттың база А.Ч. Кунааның рецензияларын өөренип көргөн.

Бо үндүрүлгени Тыва АССР-ниң Министрлер Чөвүлелиниң чанында Терминология комиссиязы чугаалажып көргөш бадылаан.

Орфография болгаш пунктуация дүрүмнериниң бо үндүрүлгезиниң дугайында санал-оналдарны дараазында адресчө чорударын диледивис: Кызыл, Кочетов күдүмчүзу, 4, Тываның дыл, литература болгаш төөгүнүн эртем-шинчилел институту.

Тываның дыл, литература болгаш төөгүнүн эртем-шинчилел институту.

Ийги үндүрүлгезиниң эге сөзү

"Тыва орфографияның болгаш пунктуацияның дүрүмнери" чанғыс ном кылдыр эң-не баштай 1986 чылда кады парлаттынган болгаш соң тиражы удаваанда бүрүнү-бile тарай берген. Дүрүмнериниң бо үндүрүлгезинде, чүгле чамдык эргижирээн чижектер солуттунгындан аңгыда, эдиглер кирбээн. Ийги үндүрүлгени Д. А. Монгуш паралллага белеткээн.

Тыва Республиканың
гуманитарлыг шинчилдер институту.

ТЫВА ОРФОГРАФИЯНЫҢ ДУРУМНЕРИ

I. Тыва дылдың үннери болгаш оларның үжүктери

1. Тыва алфавит 36 үжүктен тургустунган: Аа, Бб, Вв, Гг, Дд, Ее, Ёе, Жж, Зз, Ии, Йй, Кк, Лл, Мм, Нн, Нң, Оо, Өө, Пп, Рр, Сс, Тт, Уу, Үү, Фф, Хх, Цц, Чч, Шш, Щщ, Ҧ, Ҫ, Ҩ, ҩ, Ҫ, ҩ.

2. Ажык үннерниң үжүү 8: а, ы, о, у, э, и, ө, ү.

Оон аңғыда **й** деп үн биле **а**, **э**, **о**, **ү** деп үннерниң каттышканын илереткен ажык үннерниң үжүктери 4: я (йа), е (ье), ё (յо), ю (յу).

Ажык үннерни адаттынарының болгаш эптежириниң аайы- биле мындыг бөлүктөргө хуваар:

Кадыг үннер а, ы, о, у

Чымчак үннер э, и, ө, ү

Эрин-бile адаар үннер о, у, ө, ү

Эрин-бile адавас үннер а, ы, э, и

Делгем үннер а, э, о, ө

Кызаа үннер ы, и, у, ү

3. Ажык эвес үннерниң үжүү 22: б, в, г, д, ж, з, й, к, л, м, н, ң, п, р, с, т, ф, х, ц, ч, ш, щ.

Оларны адаарының аайы-бile мындыг бөлүктөргө хуваар:

Дүлей үннер к, п, т, с, ш, ф, х, ц, ч, щ

Үйткыр үннер б, в, г, д, ж, з

Аяар үннер й, л, м, н, ң, р

4. **ъ** (кадыг демдек) биле **ь** (чымчак демдек) кандыг-даа үннү илеретпейн турар.

II. Чамдык үжүктерниң адаттынар сяны

1. Сөске **я**, **е**, **ё**, **ю** деп ажык үжүктер иий үнзы адаттынар:
а) сөс эгезинге, ажык үжүк болгаш **ъ**, **ь** демдектер соонга **й** үннүг кылдыр адаттынар, чижээ: **янзы**, **Енисей**, **ёзу**, **Юрий**, **аяк**, **үе**, **оюн**, **съезд**, **Ньютон**;

б) үлегерлеп алган сөстерниң ажык эвес үжүктериниң соонга тура, ол ажык эвес үжүктерни чымчадыр болгаш **й** үн чок анаа **а**, **э**, **о**, **ү** кылдыр адаттынар, чижээ: **пятница**, **цех**, **Пётр**, **полюс**.

2. Үйткыр болгаш дүлей үннерниң чамдык үжүктериниң адаттынары:

1) **б** деп үжүк:

а) тыва сөстерниң эгезинге эрин-бile адаттынар тыныштыг эвес, частыышкынныг арай үйткыр кошкак үннү илередир, чижээ: **баг**, **бызаа**, **боо**, **белек**, **будук**;

б) **м** деп үннүң сөөлүнге тургаш, частыышкынныг үйткыр кошкак үннү илередир, чижээ: **самбын**, **самбыра**;

в) **г**, **й**, **л**, **р** деп аяар үннер сөөлүнге тургаш частыышкынныг эвес, эрин-бile үрдүндүр адаттынар үйткыр кошкак үннү илередир, чижээ: **угба**, **тайбын**, **албан**, **арбай**;

г) үлегерлеп алган сөстерниң эгезинге болгаш ортузунга эрин-бile адаттынар частыышкынныг үйткыр үннү илередир, чижээ: **банк**, **билет**, **комбинат**, **лаборатория**.

2) **в** деп үжүк:

а) тыва сөстерге иий ажык үннүң аразынга тура, эриннерниң дүрбүүшкүннүг үйткыр кошкак үннү илередир, чижээ: **хову**, **теве**, **хава**, **иви**;

б) үлегерлеп алган сөстерниң эгезинге болгаш ортузунга эрин-диштиң киржилгези-бile адаттынар дүрбүүшкүннүг үйткыр үннү илередир, чижээ: **вокзал**, **совет**, **экватор**.

3) **г** деп үжүк:

а) тыва сөстерге иий ажык үннүң база **й**, **л**, **р**, **ң**, **н** деп үннер биле ажык үннер аразынга дүрбүүшкүннүг үйткыр кошкак үннү илередир, чижээ: **дагаа**, **үгү**, **дилги**, **тайга**, **дерги**, **аңы**, **бурунгу**, **чемгир**;

б) сөстүң сөөлүнгө азы ажык эвес үннүң мурнунга тура, дыл дөзүнүң дүрбүүшкүнүг аяар үнүн илередир, чижээ: *даг, суг, тенниг, харлыг, тигленир, чигзиниг*;

в) үлегерлеп алган сөстерниң эгезинге болгаш ортузунга частыштыкынныг ыыткыр үннү илередир, чижээ: *галстук, гараж, рагу, тангенс*.

4) **Д** деп үжүк:

а) тыва сөстерниң эгезинге тыныштыг эвес, частыштыкынныг арай ыыткыр кошкак үннү илередир, чижээ: *далган, дыл, доруг, дилги*;

б) тыва сөстерге ийи ажык үннүң аразынга болгаш аяар үннерниң сөөлүнгө частыштыкынныг ыыткыр кошкак үннү илередир, чижээ: *ада, балды, байдал, танды, тогдук*;

в) үлегерлеп алган сөстерниң эгезинге болгаш ортузунга ыыткыр үннү илередир, чижээ: *декабрь, директор, кандидат*.

5) **Ф** деп үжүк:

эрин-дишиңиң киржилгези-бile адаар дүлей үннү илередир; ону чүгле үлегерлеп алган сөстерге хереглээр, чижээ: *фабрика, фонарь, шкаф, телефон*.

6) **Ц** деп үжүк:

т биле **С** деп үннерниң катышканын (**ТС** кылдыр адаарын) илередир болгаш чүгле үлегерлеп алган сөстерге хереглеттинер, чижээ: *цех, центнер, революция, социализм*.

7) **Щ** деп үжүктүү шычь ийикпе, азы шышь кылдыр узадыр адаар; ону чүгле орус дылдан үлегерлеп алган сөстерге хереглээр, чижээ: *щётка, щи, борщ, плащ*.

8) ыыткыр үннерниң үжүктери орус дылдан үлегерлеп алган сөстерниң сөөлүнгө дүлей кылдыр адаттынар, чижээ: *клуб (клуп кылдыр номчуур), завод (завот кылдыр номчуур), гараж (гарааж кылдыр номчуур), арбуз (арбус кылдыр номчуур), слог (слок кылдыр номчуур), архив (архиф кылдыр номчуур)*.

3. Кадыг болгаш чымчак демдектерни (**ъ, ь**) хереглээри:

1) **ъ** (кадыг демдекти) орус дылдан үлегерлеп алган сөстерниң ортузунга хереглээр. Үнчан **я, е, ё, ю** деп үжүктерниң мурнунга тургаш, оларның үннериниң **й** үннүң кылдыр адаттынарын илередир, чижээ: *съезд, объект, субъект*.

Тайылбыр. Тыва сөстерге **ъ** (кадыг демдекти) хереглээрин IV бөлүкте 5-ки чүүлдүк «а» кезээнден көөр.

2) **ъ** (чымчак демдекти) ийи янзы хереглээр:

а) орус дылдан үлегерлеп алган сөстерниң сөөлүнгө азы ортузунга хереглээр. Үнчан мурнунда турган ажык эвес үннү чымчадыр, чижээ: *июнь, июль, культура, Ольга*;

б) **я, е, ё, ю** деп үжүктерниң мурнунга тургаш, оларның үннериниң **й** үннүң кылдыр адаттынарын айтыр, чижээ: *Татьяна, варенье, премьера*.

III. Ажык эвес үннерниң үжүктерин шын бижиири

1. Тыва сөстерниң эгезинге **в, з, ж, г** деп ыыткыр үжүктерни биживес:

2. Тыва сөстерниң эгезинге тыныштыг дүлей адаттынар үннерни **п, т** деп үжүктер-бile бижээш, тыныш чок шала ыыткыр кошкак адаттынарын **б, д** деп үжүктер-бile бижиир, чижээ: *пар (араатан) — бар (бар чор, ном бар), паш (шой паш) — баш (дыдыраш баш); тараа (чем) — дараа (удаа-дараа), тал (ыяш) — дал (дал дүшь*.

3. Эге дужаал хевиринге баштайгы үннери тыныштыг адаттынар **тып, тут, тик, төк, теп, тырт** деп кылыг сөстеринден укталган бүгү хевирлерниң эге үннери тыныш чок адаттынар болза-даа, оларның эгезин база-ла **т**-бile бижиир, чижээ: *тып—тывар, тылсыр, тывыш, тывызык; тут — тудар, тудуг, тудугжу, туткууш; тик — тигер; төк — төгер, төктүр; теп—тевер, тептинер, тепкииш, тепсе; тырт—тыртар, тыртыг, тырткан*.

4. Чамдык сөстерниң эге үнү тыныштыг эвес, ыыткырзымаар адаттынар болза-даа, оларны чаңчыл ёзугаар **т**-бile эгелеп бижиир, чижээ: *Тыва, Турган, Тес, туман, турар, тургузуг, тайга, тура (күзел)*.

5. Тыва сөстерниң сөөлүнгө **б, в, д, ж, з** деп ыыткыр үжүктерни биживес:

6. Тыва сөстүң эгезинге дыл дөзү-бile адаттынар частыштыкынныг үннү **к** деп үжүк-бile, а дүрбүүшкүнүг үннү **х**-бile бижиир, чижээ: *кат (кат-чимис) — хат (хат-шуурган)*;

кол (чугула) – хол (оң хол); кир (кирер) – хир (хир-чам); кем (кем-буруу) – хем (хем-далай).

Тайылбыр 1. **х** деп үжүктү тыва сөстерниң эгезинге бижириinden ангыда, чамдык аян сөстериниң ортузунга, сөөлүнге база бижиир, чижээ: ах, ох, охалай. 2. **Хып**, **хак** деп қылыг сөстериниң өске бүгү хевирлерин оларны адаарын ёзуаар **к**-бile эгелеп бижиир, чижээ: **кывар**, **кылсыр**, **кывышын**; **кагар**, **каксыр**, **кагышын**.

7. **б, в, г, д, ж, з** деп үжүктерни тыва сөстерниң ортузунга шын бижири:

а) **б** деп үжүктү аяар үжүк биле ажык үжүктүн аразынга бижиир, чижээ: **богба**, **тайбың**, **дээрбе**, **элбек**;

б) **в** деп үжүктү чүгле ийи ажык үжүктүн аразынга бижиир чижээ: **авай**, **ховаган**, **чавыс**;

в) **г, д, ж, з** деп үжүктерни аяар үжүк биле ажык үжүктүн аразынга ийикпе азы ийи ажык үжүктүн аразынга бижиир, чижээ: **алғы**, **алдан**, **ааржы**, **чемзек**, **андазын**, **деңзи**, **дагаа**, **ада**, **ажыл**, **өзек**.

8. Тыва сөстерниң ортузунга дүлей үннерниң үжүктерин шын бижири:

а) дүлей үннүн үжүүн сөс дазылынга дакпирлавайн, чаңгысты бижиир, чижээ: **хамааты**, **ниити**, **ашак**, **эки**, **эртем**, **хуусаа**, **демисел**, **өлей**, **болук**;

б) дазылы азы дөзү **т, с, к, п** деп дүлей үннер-бile төнер сөстерге ол-ла дүлей үннер-бile эгелээн кожумак кирер болза, ук дүлей үннерниң үжүктерин дакпирлап бижиир, чижээ: **чурт** – **чуртта**, **чурттар**, **чурттуг**, **чурттакчы**, **чуртталга**; **тут** – **туттунар**, **туттурап**; **бижит** – **бижиттиер**, **бижиттинер**; **өс** – **өссе**, **өссүн**; **кес** – **кессе**, **кессин**; **тып** – **тыппас**, **тыппышаан**; **быжык** – **быжыккан**; **ырак** – **ыраккы**.

Үнчаарга ортаакы, кудуку, мурнуку, үстүку, даштыкы, иштики чергелиг сөстерниң ортузунга чаңгыс **к**-ны бижиир.

9. Тыва сөстерниң ортузунга дүлей үжүк сөөлүнге дүлей үжүктү, а аяар үжүк сөөлүнге аяар азы ыыткыр үжүк бижиир, чижээ: **дептер**, **өкле**, **өске**, **өшкү**, **белетkel**, **сандай**, **чаңгыс**, **кирбик**, **билзек**.

10. Чамдык сөстерниң дазылының иштinde солчуп чоруур кожа дүлей үннерниң үжүктерин шын бижиирде, колдуунда ол сөстерниң үнген дөзүн барымдаалаар, чижээ: **тепке**, **какла**, **аксы**, **акша**, **укталыр**. Үнчаарга укталган дөзү тодаргай эвес болза, чогаал дылында хереглеп турарын барымдаалап, **сқ**, **шк**, **сп**, **шп**, **кп** кылдыр бижиир, чижээ: **өске**, **өшкү**, **деспи**, **дески**, **даспы**, **чашпан**, **докпак**, **дакпыр**.

11. Эгезинге **б** биле **м** солчуп чоруур сөстерни колдуунда **м**-бile эгелеп бижиир, чижээ: **малгаш**, **маска**, **морзук**, **молдурга**. Чигзинилгил таварылгаларда ындыг сөстерни орфографтыг словарьда бергенин ёзуаар бижиир.

IV. Ажык үннерниң үжүктерин шын бижири

1. Тыва сөстерге ажык үннерни колдуунда кадыг болгаш чымчааның аайы-бile аяннажып чоруурун барымдаалап бижиир, чижээ: **ажыл**, **чада**, **ыры**, **орук**, **хураган**; **кижи**, **эжик**, **хүлээлгэ**, **хеме**, **хөмүр**.

Тайылбыр. Чамдык кижи аттарынга, кожумактарга болгаш нарын сөстерге ажык үннер кадыг болгаш чымчааның аайы-бile аяннашпайн баар. Оларны адаар аайы-бile бижиир, чижээ: **Серенмаа**, **Өлаай**, **хоорайже**, **биживишаан**, **эмгежок**, **хөлчок**, **эргежок**.

2. Кыска адаттынар ажык үннерни чаңгыс ажык үжүк-бile, а узадыр адаттынар ажык үннерни ийи ажык үжүк-бile бижиир, чижээ: **ал** – **аал**, **ол** – **оол**, **чыл** – **чыыл**, **дүн** – **дүүн**, **кир** – **киир**, **көр** – **көөр**, **төле** – **төлээ**, **херек** – **хөрээ**, **санал** – **санаал**.

3. **я, е, ё, ю** узадыр адаттынганда **я**, **еэ**, **ёо**, **юу** кылдыр бижиир, чижээ: **каяа**, **аяар**, **аяк** – **ая**, **өек** – **өеэ**, **дууг** – **дуую**, **биээде**, **көпееек** – **көпееэм**.

4. Тыва сөстерниң эгезинге **е** биживес, **э** бижиир, чижээ: **эрик**, **элик**, **эрес**.

5. Өк-бile адаар ажык үннүг сөстерни шын бижири:

а) өк-бile адаар ажык үннүг чамдык сөстерни оларга дөмейлежир өске сөстерден ылгаар төлээде, оларга **ъ** немеп бижиир, чижээ: **аът**, **оът**, **кайт**, **эът** (база олардан укталган

аъттаныр, оъткарап, эъткір, кайттаар чергелиг сөстер); чыс, чүк, чөлп, дүш, аьш-чем (а олардан чогаадылга кожумактарының дузазы-бile укталган бүгү сөстерни ъ чокка бижиир);

б) өк-бile адаар оон өске бүгү сөстерни ъ чокка бижиир, чижээ: **кадар** (кадар сан), **ожук** (ыяшта хар), **кижи**, өкпе дээш оон-даа өске.

Ынчаарга бир эвес ол ышкаш сөстер домакка ийи уткалыг апаар болза, оларның чогуур утказын ылгаары-бile ук сөстерге ъ хереглеп болур, чижээ: **кадык** (кадык чоруур), **каъдык** (чиир чем), **арга** (арга-сүме), **аърга** (эзим).

6. Дөзүнүң ийиги слогунда **ы**, **и**, **у**, **ү** деп кызаа ажык үннер кирген чамдык сөстерге ол-ла кызаа ажык үннерниң кайы-бирээзи-бile эгелээр кожумак каттыжарга, сөс дөзүнүң кызаа ажык үнү чиде бээр ужурунда, ону биживес, чижээ: **арын** — арны, **эрин** — эрни, **орун** — орну, **көрүн** — көрнүр, **айыт** — айтыр, **моюн** — мойну.

7. Чүгүрүк **ы**, **и** деп кызаа ажык үннер чамдык сөстерниң эгезинге тода дыңналбас болза-даа, оларны хереглеп бижиир, чижээ: **ыяш**, **ыят**, **ыялап-ла**, **ылап**, **ынак**, **ырак**, **инек**, **ине**, **ие**.

V. Сөс кожумактарын шын бижиiri

1. Сөс дөзүнүң сөөлүнгө **о**, **у**, **ө**, **ү** деп үннерниң кайы-бирээзи турда, кожумаанга **ы**, **и** биживейн, **у**, **ү** бижиир, чижээ: **хол** — холдун, **холу**; **хөл** — хөлдүн, **хөлү**; **хүн** — хүннүн, **хүнү**; **номчу** — номчуду, **номчузун**; **көр** — көрдү, **көрзүн**.

2. Дөзу **л**-бile төнген сөстерниң кожумаан **л**, **н**-бile эгелеп биживейн, **д**-бile бижиир, чижээ: **мал** — малдын, **малдар**, **малдыг**; **хөл** — хөлдүн, **хөлдер**, **хөлдүг**.

3. Дөзу **с**, **т**, **к**, **ш**, **п** деп дүлей үннер-бile төнген сөстерге ажык үн-бile эгелээн кожумак кирерге, ол дүлей үннер ыыткыр апаар ужурунда, оларны ыыткыр үжүк-бile бижиир, чижээ: **ат** — ады, **эш** — эжи, **шал** — шавар, **кес** — кезер, **хак** — кагар.

4. Эгезин **ч**, **ж**-бile бижиир кожумактар:

а) дүлей болгаш **л**, **м**, **н**, **ң** деп аяар үжүктер-бile төнген тыва сөстерниң база ыыткыр үжүктер-бile төнген үлегерлээн сөстерниң кожумактарын **ч**-бile бижиир, чижээ: **балык** —

балыкчы, **ус** — усчу, **даш** — дашчы, **шалып** — шалыпчы, **аң** — аңчы, **тоол** — тоолчу, **кулун** — кулунчак, **хем** — хемчигеш, **он** — ончук, **сад** — садчы, **колхоз** — колхозчу;

б) ажык болгаш **р**, **й**, **г** деп үжүктерниң сөөлүнгө кожумактарны дыңналырын ёзугаар **ж**-бile бижиир, чижээ: **даг** — дагжы, **иви** — ивижи, **суг** — сугжу, **хой** — хойжу, **буға** — буғажык, **хову** — ховужук;

в) бир эвес ажык үннерниң азы **р** деп аяар үннүң сөөлүнгө дүлей **Ч** дыңналыр болза, ону **Ч**-бile бижиир, чижээ: **чылгычы**, **тараачын**, **кадарчы**, **улеттурчин**.

5. Кылыг сөзүнүң **-ыш**, **-иш**, **-уш**, **-үш** деп кожумаанга база бир кожумак немежирге, ооң мурнунга турган кызаа ажык үн чиде бээр болгаш демги **ш** дыңналырының аайы-бile **Ч** азы **Ж**-же шилчиир, чижээ: **булуш** — болчур, **боданыш** — боданчыр, **бериш** — бержир, **оюш** — ойжур.

6. Сөстүң дазылы (дөзү) **г** деп үжүк-бile төнгенде, ацаа ол-ла үжүк-бile эгелээн кожумак немежирге, ук **Г**-ни дакпирлап бижиир, чижээ: **даг** — дагга, **арыг** — арыгга, **шүг** — шүгген, **чыг** — чыгган.

7. Үнериниң падежиниң кожумаан **м**, **н**, **ң** деп үжүктер соонга **-нан**, **-нен** кылдыр биживейн, **-дан**, **-ден** кылдыр бижиир, чижээ: **хемден**, **сандан**, **кандан**, **аалындан**, **челинден**.

8. Сөөлү кыска ажык үннүг чүве адының кымга? чүгэ? деп айтрыгларга харылаар хевириин **-га**, **-ге** деп кожумактар-бile, чок болза ийи дакпир ажык үжүк-бile бижиир, чижээ: **хову** — ховуга, **ховаа**; **кижи** — **кижиге**, **кижээ**.

9. Сөөлү **к**, **г** деп үннерлиг чүве адының чүзү? деп айтрыгга харылаар хевириин кожумаанга узадыр адаар ажык үн дыңналыр болза, ооң үжүүн дакпирлап бижиир, чижээ: **херек** — **херээ**, **шериг** — **шерии**, **аяк** — **ая**.

10. Чүве адының чүцер? болгаш кылыг сөзүнүң кан-чалыңар? деп айтрыынга харылаар хевирлериниң кожумаан **-гар**, **-гер** кылдыр биживейн, **-ңар**, **-ңер** кылдыр бижиир, чижээ: **сууруңар**, **өрээлиңер**, **чаныңар**, **өөренингер**.

11. Чүве адының сөөлүнгө **н** деп үжүк турда, ацаа база **н**-бile эгелээн кожумак кирер болза, ол сөске **н**-ни дакпирлап

бижиир, чижээ: сан — санның, саннар, санныг; туман — туманның, туманныг, туманнаар.

12. Кылыг сөзүнден ат сөзүн чогаадыр **-ыышкын, -ишишкін...** база **-ычал, -иичел...** деп кожумактарның эгезинге ийи дакпыр ажық үжүк бижиир, чижээ: билдир — билдириишкін, тургус — тургузуушкун, чан — чанычал, өөрен — өөренииичел, кел — келииичел.

13. Кылыг сөзүнүң канчаайн? канчамайн? деп айтырыларга харыылаар хевирлериниң сөөлүн **-йн** кылдыр бижиир, чижээ: бар — барайн, барбайн, көр — көрейн, көрбейн, номчу — номчууйн, номчувайн, ажылда — ажылдаайн, ажылдавайн.

14. Дөзү **н**-бile төнген кылыг сөзүнүң дужаал хевиринге **m**-бile эгеләэн кожумак кирер апарза, ук **н-ни m**-бile, а кожумактың эгезинде **m-ни b**-бile солувайн, ол-ла хевээр бижиир, чижээ: чан — чанмас, үн — үнмес.

15. Сөөлу **n**-бile төнген сөстерге **r**-бile эгеләэн кожумак немежирге, ук **н** кылдыр дыңналыр болза-даа, ону **н** хевээр бижиир, чижээ: сан — санга, холун — холунга, бурун — бурунгу, дүүн — дүүнгү, билдин — билдингир, үн — үнген.

16. Дөзү **m**-бile төнген кылыг сөзүнге база **m**-бile эгеләэн кожумак немежирге, ук **m-ни** дакпырлап бижиир, чижээ: эм — эммес, хөм — хөммес.

VI. Үлегерлеп алган сөстерни шын бижиiri

1. Тыва бижик тыптыр мурнунда орус дылдан үлегерлеп алган сөстерни тыва дылда амғы үеде канчаар адаар болдур, ол хевээр бижиир, чижээ: салык, сараат, хөпзэн, кочал, шылыяя.

2. Тыва бижик тывыылган соонда орус дылдан үлегерлеп алган чаа сөстерниң дөзүн орус дылда канчаар бижиир болдур, ол хевээр бижиир, чижээ: школа, машина, трактор, колхоз, кооператив.

3. Үлегерлеп алган сөстерниң кожумааның ажық үжүүн шын бижиирде, дөзүнүң сөөлгү ажық үнүнүң кадыг, чымчаан барымдаалаар, чижээ: Волгоград — Волгоградта, Волгоградтың; комитет — комитетке, комитеттин, кооператив — кооперативтин, кооперативте; командир — командирниң, командирде.

4. Сөөлу **ь**-бile төнер сөстүң кожумаан база-ла үстүнде айыткан дүрүмнү барымдаалап бижиир. Ынчаарга ажық эвес үн-бile эгеләэн кожумактарның мурнунга **ь** хевээр арттырап, чижээ: секретарь — секретарьның, секретарьлар; гавань — гаваньның, гаваньнар; лагерь — лагерьде, лагерьлер; автомобиль — автомобильден, автомобильде; роль — рольдуң, рольдар; контроль — контрольдуң, контрольга.

Ынчаарга корабль, дирижабль, рубль чергелиг сөстерниң сөөлүнде **л** деп үжүктүң мурнунга **и** деп чымчак ажық үн дыңналыр төлээде, оларның кожумактарынга чымчак ажық үжүктерни бижиир, чижээ: рубльдин, рубльдер, корабльдин, корабльге.

5. Үлегерлеп алган сөстерниң сөөлүнге ыыткыр үжүктер дүлей үннер илередир ужурунда, ындыг сөстерге немежир кожумактарның эгезинге дүлей үжүк бижиир, чижээ: клуб — клубка, клубтар; кооператив — кооперативке, кооперативтен; завод — заводка, заводтар; гараж — гаражка, гаражта; колхоз — колхозта, колхозка.

6. Үлегерлеп алган сөстерниң сөөлгү **нt, нd, кt, нk, ск, вt, нg, пt, фt, ч** деп ажық эвес үннериниң соонга ажық үн дыңналыр (адаттынар) төлээде, ындыг сөстерниң кожумааның мурнунга дыңналып турар ол ажық үнүн үжүүн немеп бижиир, чижээ: документ — документинин, документилер; фонд — фондунун, фондулуг; акт — актыга, актылар; банк — банкыдан, банкылар; митинг — митингиге, митингилер; космонавт — космонавтының, космонавтылар; рецепт — рецептинин, рецептилер; нефть — нефтинин, нефтиден; Ачинск — Ачинскиниң, Ачинскиден; скрипач — скрипачының, скрипачыда.

Ынчаарга **нc, кc** деп каттыжыышкыннарның сөөлгү үжүүнүң соонга ажық үн дыңналбас төлээде, оларга немежир кожумактың мурнунга ажық үжүк немеп биживес, чижээ: романс — романстың, романстар; анонс — анонстун, анонstar; секанс — секанстың, секанстар; кодекс — кодекстиң, кодексте; бокс — бокстун, бокска; бифштекс — бифштекстиң, бифштекске.

Тайылбыр. Адап өөренген чаңыл ёзугаар аванс, баланс болгаш аффикс, суффикс деп сөстерниң кожумааның мурнунга ажық үнүн үжүүн эрги хевээр

немеп бижиир, чижээ: *аванс* — *авансынын*, *авансыга*, *аффикс* — *аффиксинин*, *аффиксилер*.

7. Дөзүндө **р, л, й** деп үжүктерниң кайы-бирээзи-бile кады турар дүлей үжүктерлиг үлөгерлеп алган сөстерниң кожумаан база дүлей үжүк-бile эгелеп бижиир, чижээ: *парк* — *парктың*, *парктар*; *курс* — *курстун*, *курстар*; *спорт* — *спортуң*; *полк* — *полктуң*, *полктар*; *рельс* — *рельстен*, *рельстер*; *рейс* — *рейстин*, *рейстер*.

8. Дөзү **ст, тт, дт** чергелиг ажық звес үжүктер-бile төнер үлөгерлеп алган сөстерниң кожумаан сөөлгү т чокка бижиир, чижээ: *турист* — *туристке*, *туристер*; *тракторист* — *тракториске*, *трактористин*; *киловатт* — *киловатка*, *киловаттар*; *Кронштадт* — *Кронштадка*, *Кронштадче*, *Кронштадтан*.

9. Дөзү **сс, мм, лл, пп** чергелиг ийи ажық звес үжүктер-бile төнген сөстерге ажық звес үн-бile эгелээн кожумактар кирзе-даа, ук сөстүң сөөлгү ажық звес үжүктерин хевээр арттырар, чижээ: *класс* — *класстар*, *классса*; *килограмм* — *килограммың*, *килограммаар*; *металл* — *металлдың*, *металлдар*; *грипп* — *грипптиң*, *гриппке*.

10. Үлөгерлеп алган сөстерниң хамаарылга кожумактарын шын бижиiri:

1) дөзү дүлей үннер-бile төнген сөстерге ажық үн-бile эгелээн кожумак кирерге, ол дүлей үннер ыыткыр үннерже шилчий бээр. ынчангаш ук дүлей үннерни ыыткыр үжүктер-бile бижиир, чижээ: *адрес* — *адрези*, *комитет* — *комитетди*, *механик* — *механиги*, *финиш* — *финики*, *телескоп* — *телескову*;

2) **ф, ц, х, щ, б** деп үжүктер-бile төнген сөстерге хамаарылга кожумаа немежирге, оларны **в, з, г, ж** деп үжүктер-бile солуп бижиир, чижээ: *огурец* — *огурези*, *цех* — *цеги*, *плащ* — *плажы*, *шкаф* — *шкавы*, *клуб* — *клуву*;

3) дөзү **нс, кс, пс, рс, рк, лк, льс (лс), йс, рф** деп ажық звес үжүктер-бile төнген сөстерге хамаарылга кожумаа немежирге, сөөлгү дүлей үжүктүң мурнунга дыңналган ажық үжүктү немевишаан, ук дүлей үжүктү ыыткыр үжүк-бile солуп бижиир, чижээ: *романс* — *романызы*, *кодекс* — *кодекизи*, *гипс* — *гипизи*, *хирург* — *хируругу*, *курс* — *курузу*, *парк* —

парығы, *полк* — *полугу*, *рельс* — *релизи*, *рейс* — *рейзи*, *торф* — *торуву*.

Тайылбыр. Адап өөрөнген чаңыл ёзугаар *аванс*, *баланс*, *сеанс*, *аффикс* деп сөстерниң хамаарылга кожумааның мурнунга ажық үжүк бижиир, чижээ: *аванс* — *авансызы*, *баланс* — *балансызы*, *сеанс* — *сеансызы*, *аффикс* — *аффиксизи*, *суффикс* — *суффиксизи*.

4) дөзү **ст, сть, тт, пп, сс** деп дүлей үжүктерлиг сөстерге эгезинде ажық үннүг кожумактар немежирге, ук үжүктерниң сөөлгүзүн хереглевейн, баштайгызын ыыткыр қылдыр бижиир, чижээ: *баянист* — *баянизи*, *класс* — *класзы*, *область* — *облазы*, *киловатт* — *киловады*, *грипп* — *гриби*;

5) дөзү **нт, нд, зд, кт, нк, нг, вт, пт, фть, ч** деп ажық звес үжүктер-бile төнер сөстерге хамаарылга кожумаа немежирге, дөстүң соонда дыңналып турар чогуур ажық үжүкту немеп бижиир, чижээ: *цемент* — *цементизи*, *фонд* — *фондузу*, *поезд* — *поездизи*, *акт* — *актызы*, *банк* — *банкызы*, *митинг* — *митингизи*, *космонавт* — *космонавтызы*, *рецепт* — *рецептизи*, *нефть* — *нефтизи*, *скрипач* — *скрипачызы*;

6) дөзу чымчак демдек (**ъ**)-бile төнген сөстерге хамаарылга кожумаа немежирге, ук чымчак демдекти (**ъ**) биживес, чижээ: *секретарь* — *секретары*, *лагерь* — *лагери*, *циркуль* — *циркулю*, *роль* — *ролю*, *гавань* — *гаваны*;

7) дөзу ыыткыр үжүктер-бile төнген сөстерге хамаарылга кожумаа немежирге, ук үжүктерни ыыткыр хевээр бижиир, чижээ: *завод* — *заводу*, *совхоз* — *совхозу*, *тираж* — *тиражы*, *кооператив* — *кооперативи*, *слог* — *слогу*.

Тайылбыр. Сөөлү **б** деп ыыткыр үжүк-бile төнген сөстерге хамаарылга кожумаа немежирге, ук үжүкту **в** қылдыр бижиир, чижээ: *клуб* — *клуву*, *штаб* — *штавы*.

VII. Сөстерни тудуш, дефистеп болгаш аңғы бижиiri

Тудуш бижиiri

1. Кандыг-бир үннери кызырылган ийикпе азы өскерилген нарын сөстерни тудуштуруп бижиир, чижээ: *саржаг* (*сарыг + чаг* — *баштайгы сөс кызырылган*), *дорала* (*доруг + ала* — *баштайгы дөс кызырылган*), *бертен* (*бо + эртен* — *баштайгы*

дазыл кызырылган), эмгежок (эмге + чок — сөөлгү дазылдың эге үнү өскерилген), тозан (тос + он — үннери өскерилген), бөгүн (бо + хүн — үннери өскерилген), бижиплетер (бижи + п + л е + ыдар — үннери өскерилген).

2. **Чок** деп сөс мурнунда сөс-бile каттышкаш, чаа уткалыг сөс тургузар болза, ону тудуштуруп бижиир (аажок, хөлчок, эмгежок, хоржок дээш оон-даа өске), чижээ: *Бистин өндөрде хөлчок (аажок) чараши хөл бар. Акын келир магатчок.*

Дефистеп бижиири

1. Ийи азы оон-даа хөй дөстен тургустунган, чаңгыс утканы илередип чоруур болгаш кезектери колдуунда тудуш адаттынар нарын сөстерни дефистеп бижиир. Үндиг сөстерниң бөлүктери:

1) чоок азы дөмей уткалыг сөстерниң каттышканындан тургустунган нарын сөстер: ужур-утка, эп-найырал, ажык-дуза, сагыш-сеткил, албан-херек, оран-суур, оыт-сиген, адар-боолаар, ойнаар-хөглээр, коргар-сүртээр, ындыг-мындыг, ол-бо;

2) харылзашкак уткалыг чүүлдер илередип сөстерниң каттышканындан тургустунган нарын сөстер: ая-дузак, аяк-сава, стол-сандай, орун-дөжек, ада-ие, акы-дуңма, карак-кулак, идик-хеп, от-көс, ожук-паш, ийи-чаңгыс, үжен-дөртен, идея-политикиг, өөредилгэ-кижизидилгелиг, организас-массалыг;

3) удур уткалыг сөстерниң каттышканындан тургустунган нарын сөстер: дун-хүн, дуне-хүндүс, эртен-көжээ, кыш-чай, харчайс, изиг-соок, эрги-чаа, эки-бак, улуг-биче, ырак-чоок, чыларчылбас, ишкээр-дашхаар, үнер-кирер, ужа-тура, ай-дедир;

4) ийиги (азы бирги) кезээ амгы тыва дылда тускай (чааскаан) хереглэтийнмес нарын сөстер: аяк-шынак, мал-маган, уруг-дарыг, аң-мен, хурал-суглаар, ойнаар-тоглаар, ажыл-агый, чайс-чар, аьш-чем;

5) кандыг чүү? деп айтрыгга харылаар каттыжыыш-кыннардан тургустунган чүвелер, үнүштер болгаш амьтанныар аттары: ак-балык, ак-өек, көк-тараа, кызыл-кат, кызыл-өг, кызыл-булун, демир-үжүк, демир-хүүрек, демир-орук, хөмүр-даш, ойнаар-кыс, эдер-хааржак, чунар-бажын, чунар-демир, чунар-саван, шагар-оыт, бот-үне, бот-дензи;

6) чүнү канчаар? деп айтрыгга харылаар каттыжыыш-кыннардан тургустунган чүвелер, үнүштер болгаш амьтанныар аттары: моюн-ораар, сал-чүлүүр, өрге-мунаар, хүн-эдерер, башкызар;

7) чүнүн чүзү? деп айтрыгга харылаар каттыжышкыннардан тургустунган нарын сөстер (үнүштер, чүвелер, амьтанныар аттары): киш-кулаа, инек-караа, хой-караа, кызырак-караа, чылан-сыртыы, теве-кудуруу, теве-кулаа, даг-дүгү, чараадугу;

8) холушкак өннөр азы чүктөр аразы илередир сөстер (демдек аттары): хүрөң-кызыл, ак-көк, кара-көк, ала-шокар, мурнуу-барыын, соңгу-чөөн;

9) чаңгыс сөстүң катаптаанындан азы сөстүң боду-бile оон өскерилген хевириниң каттышканындан тургустунган нарын сөстер: кара-кара, ак-ак, дүрген-дүрген, он-он, чүс-чүс, чугааланы-чугааланы, каттырып-каттырып, кап-кара, кып-кызыл, дол-дораан, ак-ук, чүс-час, инек-анак;

10) ийиги кезээ **бир** деп сан адындан тургустунган тодаргай эвес нарын ат оруннары: кым-бир, чүү-бир, кандыг-бир, кайы-бир, ол-бир, дөө-бир, дем-бир;

11) каттышкан хемчег аттары: килограмм-куш, километр-шак, тонна-километр, киловатт-шак, кижи-хүн;

12) кезектериниң кайызын-даа улуг үжүк-бile эгелеп бижиир географтыг хуу аттар, кижиниң азы дириг амьтанныарның хуу аттары болур нарын сөстер: Улуг-Хем, Чая-Хөл, Кызыл-Мажалык, Хову-Аксы, Хая-Чүктүг-Туруг, Көк-Демир-Даштыг-Тайга, Орехово-Зуево, Алма-Ата, Донда-Ростов; Күр-Седи, Ханды-Серен, Самба-Сүрүн, Өшкү-Саар, Кара-Ашак, Дыртык-Кара; Үзөр-Шилги (инек ады), Чыраа-Бора (аът ады), Ак-Чүрек (ыт ады).

Тайылбыр. Кижиниң адының оол, кыс деп сөстерден тургустунган ийиги кезээн биче үжүк-бile эгелеп бижиир, чижээ: Алдын-оол, Сарыг-оол, Кара-кыс, Биче-кыс.

2. 1) Сөстүң сөөлүнгө кирер **-даа, -ла, -ле, -на, -не** деп артынчыларны дефистеп бижиир, чижээ: болза-даа, келзе-даа, бар-ла, бир-ле, он-на, тен-не.

Тайылбыр. Черле, чүгле деп сөстерни **-ле** артынчылыг чер (чер-ле), чүг (чүг-ле) деп чүве аттарындан ылгаар төлээде, оларның сөөлүнде **-ле** деп кезэн тудуштуруп бижиир. Акымдан черле чагаа албадым; машина чүгле чаа келди.

2) **-тыр, -тир, -тур, -тур, -дыр, -дир, -дур, -дүр** деп артынчы сөстерни дефистеп, мурнунда сөстүң ажық болгаш ажық эвес үжүктөринге аяннаштыр бижиир, чижээ: *аът-тыр, терек-тир, курт-тур, үс-тур; мал-дыр, чигир-дир, торгу-дур, бөрү-дүр; чоруй барып-тыр, чедип кәэп-тир, эки бооп-тур, барган-дыр, келген-дир, чоруур-дур, көстүр-дүр*.

Тайылбыр. Кылыг сөзүнүң эрткен үезиниң медээ хевириңгэ дефистеп бижиир **-тур** деп артынчы сөстен амгы үениң кылыг сөзүнүң сөөлүнгэ аңы бижиир **тур** деп дузалал кылыг сөзүн ылгаары чугула, чижээ: *Дүүн маңа машиналар чоруп-тур* (эрткен ўе). *Машиналар ам-даа шуужуп чоруп тур* (амгы ўе).

3. Биле, билек деп эдеринчилерни шын бижиiri:

1) **биле** деп эдеринчи “болгаш” деп эвилел уткалыг болза, ону дефистеп чокка бижиир, чижээ: *Ачам биле акым заводта ажылдал турар;*

2) **биле** деп эдеринчи мурнунда хамаарышкан сөзү-биле кады кымның-биле? чүнүң-биле? деп айтырыгларга хамылаар болза, ону дефистеп бижиир, чижээ: *Карандаш-биле бижиир. Оларның-биле кады келген бис;*

3) **билек** деп эдеринчини аңы бижиир, чижээ: *Хар эриири билек, тарылга эгелээн.*

Аңғы бижиiri

1. Тодарадылга болгаш тодарадыкчы бооп каттышкан, кандыг чүү? деп айтырыгга хамылаар болгаш кезектери тудуш эвес адаттынар сөстерни аңылап бижиир, чижээ: *ак сеткил, терээн чурт, ажылчы чон, баштаар чер, ужар чүүл, аян чорук.*

2. Каттышкан сан аттарын аңы бижиир, чижээ: *он беш, чээрби дөрт, тозан тос.*

3. Ийги кезээ дузалал болур каттышкан кылыг сөстерин аңылап бижиир, чижээ: *бижип алыр, чедип келир, үне бээр.*

4. Каттышкан наречиелерни аңылап бижиир, чижээ: *соңгузу хүн, амдыы чылын, дал дүште.*

VIII. Улуг үжүктөрни хереглээри

1. Текстиниң баштайы сөзүн болгаш улуг сек, хөй сек, айтырыг база кыйгырыг демдектөриниң соонда турар домак бүрүзүн улуг үжүк-бile эгелеп бижиир.

2. Хуу аттарны улуг үжүк-бile эгелеп бижиир. Бир эвес хуу ат дефистеп бижиир ийи сөстен тургустунган болза, дөс бүрүзүнүң эгезинге улуг үжүк хереглээр. Улуг үжүк-бile эгелеп бижиир хуу аттар болза:

1) Кижиниң ады, адазының ады, фамилиязы, псевдоними болгаш шолазы, чижээ: *Александр Сергеевич Пушкин, Ефим Алексеевич Придворов (Демьян Бедный), Иргит Сонамович Болат, Салтыков-Щедрин, Лопсан-Серен, Дарган-Ирей.*

Тайылбыр. Тыва аттар азы фамилияларның оол, кыс деп сөстерден илереттинген ийиги кезээн биче үжүк-бile эгелеп бижиир, чижээ: *Көк-оол, Алдын-кыс.*

2) Азырал амьтанаарның хуу аттары, чижээ: *Көстүк (ыт), Челер-Доруг (аът), Васык (моортай), Чатпак-Мыйыс (инек).*

3) Басняларның, тоолдарның, шиилерниң болгаш өске-даа чогаалдарның киржикчилериниң ниити аттар-бile илереттинген аттары, чижээ: *Адыг, Дилги, Бөрү, Пар, Аңчы, Ашак, Кадарчы, Балыкчы, Чылбыга.*

4) Астрономнуг болгаш географтыг аттар, чурттар, күрүнелер болгаш оларның административ-политиктиг кезектөриниң аттары, күдүмчулар, бажыңнар аттары. Үндиг аттар ийи ийикпе оон хөй сөстерниң каттышканындан тургустунган болза, оларның составында (*ортулук, далай, хем, сыйлыс, күдүмчү, шөл чөргөлиг чүвениң хамааржыр аймаан көргүзөр сөстерден аңыда*) бүгү сөстерни улуг үжүктөр-бile эгелеп бижиир.

Астрономнуг аттар, чижээ: *Марс, Венера, Сатурн, Угер, Уш-Мыйгак, Чеди-Хаан, Ай, Хүн, Чер.*

Тайылбыр. Бир эвес *ай, хүн, чер* деп сөстер астрономнуг аттар кылдыр хереглэтийнмээн болза, оларны биче үжүктөр-бile эгелеп бижиир:

Трактористер ай чырынга чөр чарып турган. Даг артындан хүн чаа үнүп орган.

Географтыг аттар, күрүнелер, чурттар болгаш оларның кезектериниң аттары дээш өске-даа аттар, чижээ: Европа, Азия, Соңгу полюс, Оожум океан, Волга хем, Енисей, Байкал, Чагытай хөл, Памир, Оттук-Даш, Кавказ сыны, Ленинград, Улан-Батор, Чаа Гвинея, Красноярск край, Титов кудумчузу.

Чурттар аттарының составында бүгү сөстерни улуг үжүктөр биле эгелеп бижиир, чижээ: Россия Федерациязы, Тыва Республика, Герман Федеративтиг Республика, Американың Катышкан Штаттары.

5) Төөгүлүг болуушкуннарның, үелернин, а ол ышкаш төөгү документилеринин, тураскаалдарының, уран чүүл чогаалдарының аттары. Ук аттарның баштайгы сөзүн болгаш оларның составында хуу аттарны улуг үжүк-бile эгелеп бижиир, чижээ: Францияның Улуг революциязы, Париж коммуназы, Полтава тулчуушкуну, Ада-чуртуң Улуг дайыны, Ленага боолаашкын, Чеди чыл дайыны, Бетховенниң Tosca симфониязы.

6) Улуг байырлалдар болгаш тураскаалдыг хүннер аттары. Оларның баштайгы сөзүн улуг үжүк-бile эгелеп бижиир, чижээ: Май бири, Бүгү делегейниң хөрзэженнер хүнү — Март сес, Тиилелге хүнү, Чaa чыл.

7) Орденнерниң долу аттары. Оларның составында, орден болгаш черге деп сөстерден ангыда, бүгү сөстерни улуг үжүктөр биле эгелеп бижиир. Чижээ: Тиилелге ордени, Ада-чурт Дайыны орденниң I чергези, Октябрь Революциязы орден, Россияның Маадырының Алдын Сылдызы.

Тайылбыр 1. Бистиң чурттуң дээди албан-дужаалдарының аттарын болгаш дээди хүндүлүг аттарын улуг үжүк-бile эгелеп бижиир, чижээ: Россия Федерациязының Президентизи, Федерации Хуралы, Федерации Чөвүлели, Күруне Думазы, Тыва Республиканың Президентизи, Тыва Республиканың Дээди Хуралының Даргазы.

Ынчаарга өске албан-дужаалдар аттарын болгаш хүндүлүг аттарны, ол ышкаш даштыкы чурттарга база бүгү делегей организацияларынга хамааржыр ат-дужаалдарны биче үжүк-бile эгелеп бижиир, чижээ: РФ-тиң өөредилгө сыйыды, Россияның улустун артизи, Күруне шаңналының лауреады, Японияның

императору, Нидерландының хааны, Индияның премье-министри, КНО-нун чингине секретары.

Тайылбыр 2. Албан бижиктеринге эрге-дужаалдар, шиитпирлер аттарын улуг азы биче үжүк-бile бижиирде, албан черлериниң тускай саавырларын база барымдаалаар.

Тайылбыр 3. Бүгү делегейниң чамдык организацияларының аттарының составында, дузалал сөстерден ангыда, бүгү сөстерни улуг үжүк-бile эгелеп бижиир, чижээ: Катышкан Нациялар Организациязы, Айыыл чок чорук Чөвүлели, Кызыл Крест болгаш Кызыл Чартык ай Нийтилиели.

8) Яамыларның, өске-даа төп болгаш чөр-чөрде эрге-чагырга, хөй-ниити, бүдүрүлгө, садыг, культура, өөредилгө чөрлериниң аттары. Ук аттарның баштайгы сөзүн болгаш оларның составында хуу аттарны улуг үжүк-бile эгелеп бижиир, чижээ: Культура яамызы, Төп статистика эргелели, Эртемнер академиязы, Тываның күрүнэ университети, Харьковтуң трактор заводу, Москвандың бирги шак заводу, Күрунениң Төөгү музейи, Күрунениң төп ойнаарактар театры. Культура бажыны, Күрунениң универсалдыг магазини.

9) Литература, уран чүүл болгаш музыка чогаалдарының, паралалга органнарының, орден-хавыялар болгаш шылгарал демдектериниң, ол ышкаш, үлетпүр-бүдүрүлгө чөрлериниң кавычка иштинге тураг аттары. Ындыг аттарның баштайгы сөзүн болгаш оларның составында хуу аттарны улуг үжүк-бile эгелеп бижиир, чижээ: "Араттың сөзү" деп роман, "Куулуг хөл" деп балет, "Чечек биле Белекмаа" деп опера, "Хадылыг арыгда эртэн" деп чурук, "Улуг-Хем" альманах, "Шын" солун, "Тувинская правда" солун, Республика ордени, Жуков ордени, "Күш-ажылчы шылгарал" деп медаль, "Социалистиг чарыштың тиилекчили" деп хөрек демдээ, "Тыва-кобалт" комбинат, "Чaa орук" совхоз.

Тайылбыр. Хуу аттар уткалыг хөрөглөттинер Кызыл тук, шилчиир Кызыл тук, Хүндүлөл бижик чөргелиг шаңналдар аттарын база улуг үжүк-бile эгелеп бижиир.

IX. Хураангай нарын сөстерни шын номчууруу болгаш бижиiri

1. Хураангай нарын сөстерни шын номчууруунуң чуруму:

а) сөстерниң эге үжүктөриндөн хураангайлаан нарын сөстер чүгле ажык эвес үжүктөрлөн тургустунган болза, оларны үжүктөр

ады-бile номчуур, чижээ: *РФ* – эрэф, *ТР* – тээр, *ГФР* – гээфэр;

б) сөстерниң эге үжүктөрinden хурааңгайлаан нарын сөстер ажық болгаш ажық эвес үжүктөрden тургустунган болза, оларны слог ёзугаар номчуур, чижээ: *КНО* – казно, *АКШ* – акаш (акыш).

2. Хурааңгай нарын сөстерни шын бижирииниң дүрүмү:

а) сөстерниң эге үжүктөрinden хурааңгай нарын сөстер бооп тургустунган улуг үжүктөр соонга улуг сектер салбайн бижиир, чижээ: *РФ* (*Россия Федерациязы*), *ТР* (*Тыва Республика*).

б) сөстерниң эге үжүктөри-бile хурааңгайлаан нарын сөстерниң кожумактарын дефистеп бичи үжүктөр-бile бижиир, а кожумактарының ажық болгаш ажық эвес үжүктөрин ук нарын сөстерни номчуурунун аайы-бile болгаш оларның ажық, ажық эвес үжүктөринге аяннаштыр бижиир, чижээ: *РФ-тиң*, *ТР-ге*, *АКШ-та*;

в) сөстерниң кезектөрinden хурааңгайлаан нарын сөстерни бичи үжүктөр-бile бижиир болгаш оларга немежир кожумактарын тудуштур бижиир, чижээ: *комсомолчулар*, *пединституттун*, *профэвилели*.

X. Сөстү шын көжүрериниң чуруму

Сөстү бир одуругдан өске одуругже чарып көжүрерде, мооң адаанда дүрүмнөрни барымдаалаар.

1. Сөстү бир одуругдан өске одуругже слог барымдаалап көжүрер, чижээ: *ха-на*, *хе-ме*, *ча-йын*, *ка-дар-чы*, *өө-ре-дил-ге*, *ли-те-ра-ту-ра*, *Вла-ди-мир*.

2. Кайы-бир одуругга ажық-даа, ажық эвес-даа чаңгыс үжүк турар кылдыр арттырып азы көжүрүп болбас. Үнчангаш ажық үнү чаңгыс слог бооп чоруур ужар, ажыл, агаар, уя, эки чергелиг сөстерни чара көжүрүп болбас.

3. Ажық эвес үжүктүң саны ийиден хөй-даа турза, ажық үжүк чокка ол ажық эвес үжүктөрни арттырып-даа, көжүрүп даа болбас, чижээ, *Свердловск* деп сөстү *Свердло-вск* деп көжүрбейн, *Свердловск* азы *Свер-дловск* деп көжүрер.

4. Иий ажық эвес кожа үжүктү слог аайы-бile чарып көжүрер, чижээ: *ар-бай*, *ал-дар*, *эр-тем*, *чай-лаг*, *лек-ция*.

5. Дақпырлаан ажық эвес үжүктү чарып көжүрер, чижээ: *ат-тар*, *ак-кыр*, *өс-сүн*, *ап-парган*, *сан-нар*, *мил-лион*.

6. Орус дылдан үлегерлеп алган сөстерни ортузунга ийиден хөй ажық эвес үжүктөр турар болза, ол ажық эвес үжүктөрни чанында слогтарның кайызынга-даа хамаарыштыр көжүрүп болур: *се-стра*, *сест-ра*, *сес-тра*.

7. Тыва дылдың узадыр адаар ажық үннерин бижикке иий ажық үжүк-бile бижиир болза-даа, чугаага чаңгыс слог кылдыр адаар болганды, оларны чарып көжүрбес, чижээ: *шоо-ча*, *саа-зын*, *ки-чээл*.

Тайылбыр. Орус дылдан үлегерлеп алган сөстерге дақпырлаан ажық үн иий аңғы тускай слог бооп адаттынар төлээде, ону чарып-даа, чарбайндаа көжүрүп болур, чижээ: *ко-операция* азы *коо-перация*, *зо-ология* азы *зоо-логия*, *зо-отехник* азы *зоо-техник*.

8. Тыва сөстүң эгезинге узадыр адаар ажық үннүг слогту иий үжүк-бile бижиир болганды, одуругга оларның чүгле иелдирзин арттыргаш, өскелерин көжүрүп болур, чижээ: *аадан*, *аа-жы*, *ээ-рем*, *оо-руг*.

9. Кадыг, чымчак демдектөрни (*ъ*, *ь*) оларның мурнунда слогундан чарып көжүрбес, чижээ: *объ-ект*, *субъ-ект*, *адъ-ютант*, *рель-еф*, *Оль-га*.

10. Сөстерниң эге үжүктөри-бile хурааңгайлаан нарын сөстерни болгаш кижиниң инициалын (ады болгаш адазының адының азы ады болгаш фамилиязының эге үжүктөрин) фамилиязындан чарып көжүрбес, чижээ: *РФ*, *ТР*, *ТАР*, *ССРЭ*, *А. М. Горький*.

ТЫВА ПУНКТУАЦИЯ

УЛУГ СЕК (ТОЧКА)

Улуг сек чугааны тодаргай уткалыг тус-тус бодалдарга чарып, домактың төнгенин, домактарның аразында кызыгаарын, үннүң чавызаашкынын болгаш үзүктелиишкинин илередир.

§ 1. Улуг секти (точканы) долу, долу эвес-даа медээ домааның сөөлүнге салыр, чижээ:

Каа-Хемниң харлыг уну ыракта кызыгаар чок шөйлү берген чыдыр. Дээрниң көгүндөн ыраккы даглар дүдүскектелип көстүп турган. Оларның ындындан чырып орап дээрниң кыдында даң хаязы үнүп орап болду. (С. Тока.)

Кежээки школа бар. Кайы класска өөренир сен?

Тоску классска...

Тоску бе? Эки-дир. Олур. Биче чугаалажыл. (С. Пюробю.)

§ 2. Улуг секти дыңзыг эвес аянныг дужаал, дилег, күзел азы хомудал болгаш хараадал уткалыг домактар сөөлүнге салыр, чижээ:

Чаа, хей чүве. Шымда че, эккел кай. Чок болза бо хааржааның дүлгүүрүн бер кай. (С. Сүрүн-оол.)

Өңгүр үнүш, чечек-чимис чуртувуска соглаңазын. Өөрүшкүнүң омак ыры чуртталгавыс каастазын. (Ю. Кюнзегеш.)

§ 3. Улуг секти утказы тудуш харылзаалыг, болуушкуннары дес-дараалай дүрген солчуп турар кыска медээ болгаш ат домактарның сөөлүнге салыр, чижээ:

Чаашкын аяскан. Ольт-сиген чиңгир ногаан. Фермалар чайллаглап эгелээн. (В. Эренчин.)

Мүн тос чүс он алды чыл. Октябрь. Дүн. Чаас болгаш хат. Эзим адаа. Шавагалыг тулаада онгулар. (М. Шолохов.)

§ 4. Улуг секти тускай уткалыг домактар бооп турар, чыс-кааган бөлүк эгелер сөөлүнге салыр, чижээ:

Коллектив хуралының доктаадыры болза:

1. Неделя санында политинформация кылыр.
2. Ай санында номчулга конференциязы чорудар.
3. Массалыг спорт ажылын калбартыр.
4. Бот-тывынгыр уран чүүл фестивалынга киржир.

§ 5. Улуг секти дараазындағы бодалдарны улам ыңай делгередип илередир дээн домактың сөөлүнге салыр, чижээ:

Ол дугайын айтыралымга, ашактың менәэ чугаалап берген чугаазы бо-дур.

Шаанды Хемер-оол ашак он хире харлыг турда, бир кыжын ачазы аңнат чорааш, аарый берген чанып келген. Олура-даа албас, чыда-даа албас. Даартазында дембээреп турар апарган. Ол шагда эмнелге бар эвес... (С. Пюробю.)

БИЧЕ СЕК

Биче сек домактың иштики кезектерин интонация талазы-билие ангылаарын база чамдык синтаксистиг бөлүглелдерни тускайлаарын илередир бижик демдээ болур.

I. Чагырышпаан нарын домак бооп катышкан бөдүүн домактарның аразынга биче сек

§ 6. Биче секти эвилелдер болгаш эвилел сөөстер чокка чаңгыс чагырышпаан нарын домак кылдыр катышкан бөдүүн домактарның аразынга салыр, чижээ:

Тараа бо чылын дендии чаагай үнген, ону ажаап күш четпейн турар. (М. Кенин-Лопсан.)

Уруглар бистен артык болур, оларның амыдырал-чуртталгазы бистиниден эки болур! (М. Горький.)

Час эрткен, ооң соонда чай эгелээн. (С. Сүрүн-оол.)

§ 7. Биче секті чаңгыс чагырышпаан нарын домак бооп каттышкан, -п кожумактыг деепричастие-бile илереттинген сөглекчилерлиг бөдүүн домактарның аразынга салыр, чижээ:

Хар шагда-ла эрип, дамдылардан дамырактар аккан. (С. Тока.)

Ол аразында хүн ажып, даглар баштары кууарып, ыяштар карап келди. (С. Пюробю.)

Өөрээнинден чүрээ хөрээн чаза теп каггы дег кыннып, эзт боду чымырткайнып, баары саргып, карааның чажын хемчээл чок төгүксээн. (С. Сүрүн-оол.)

§ 8. Биче секті **а, харын, ынчаарга, ынчалза-даа, ынчанмыже, ынчалзажок** чергелиг удурланыштырар эвилдерниң дузазы-бile чаңгыс чагырышпаан нарын домак бооп каттышкан бөдүүн домактарның аразынга салыр, чижээ:

Улус, оон-моон шуугаан, **а** Мыкылай улустун тоо быдаргай ыыдын оожургадып турган. (С. Тока.)

Аңчы Көстүктүң соонче чортуп чоруп каан. Ис-даа чок, **ынчалза-даа** ыт халып-ла оулурган. (Л. Чадамба.)

Бис-даа канчаар деп бис, **харын** боттарыңар көргеш келинэр! (С. Сүрүн-оол.)

Аyttарлыг партизаннар суурну бүзээлеккенner, **ынчаарга** бистин взвод Чолдак-Степанның турлаан таварты кожазында бажыңнарның дээвииринче болгаш даг баарынче боолай берген. (С. Тока.)

§ 9. Биче секті **азы (азы — азы), чок болза (чок болза — чок болза)** чергелиг аңылаштырар эвилдерниң дузазы-бile чаңгыс нарын домак бооп каттышкан бөдүүн домактарның аразынга салыр, чижээ:

Одагда аңчылар чаа сөктүп кээп, хөй от ужуудуп турлар ирги бе, **азы** амдын оол суксадыр маннааш, эртежик барып шай хайындырып тур ирги бе? (С. Сарыг-оол.)

Машина келзин, **чок болза** чадаг базыптаалы. (Ю. Кюнзегеш.)

Машиналар уурук-суурук эртип турза-чаа, **чок болза** кабиназы иштиг болур, **чок болза** шоолуг ыравас болгулаар. (Б. Ондар.)

...Чок болза чаыс чаар, **чок болза** хар чаар, **чок болза** хадааш туруп бээр. (С. Сүрүн-оол.)

§ 10. Биче секті эвилел уткалыг **даа — даа, бе — бе, та — та** деп артынчы сөстерниң дузазы-бile чаңгыс чагырышпаан нарын домак бооп каттышкан бөдүүн домактарның аразынга салыр, чижээ:

Дээр-**даа** аяс, хат-**даа** чок, күштар-**даа** шимээн. (С. Тока.)
Ыңда берге-**даа** чүве бар-ла, солун-**даа** чүве долу, эргим-**даа** чүве элбек. (О. Саган-оол.)

Эки эр болгаш, эъди изип чадап тур ирги **бе**, багай эр болгаш, байгы шаа бо чоор **бе?** (Тоолдан.)

Ол бодалга алысках, **та** сагыш анны бергеним ол, **та** болур деп турган чүүлдүү чөрле чүрээмниң эндевейн барганы ол чүве. (С. Сүрүн-оол.)

§ 11. Биче секті эвилел уткалыг **бирде — бирде, чамдыкта — чамдыкта** чергелиг наречиелерниң дузазы-бile чаңгыс чагырышпаан нарын домак бооп каттышкан бөдүүн домактарның аразынга салыр, чижээ:

Мен ону сактып келгеш, **бирде** бажым-даа туттунар мен, **бирде** каткым-даа кээр. (С. Сүрүн-оол.)

Мээн анаа-ла база хөрек-чүрээмгэ **бирде-бирде** кыш дүжүп, **бирде-бирде** час, чай дүжүп турары ол-дур ийин. (С. Сарыг-оол.)

Дээр чүдеревишаан. **Чамдыкта** чаыс чаап кээр, **чамдыкта** хар ургаш туруп бээр.

II. Кол болгаш тайылбыр домактарның аразынга биче сек

§ 12. Биче секті кол домакка падеж азы наклонение кожумааның дузазы-бile каттышкан үениң тайылбыр домааның сөөлүнгэ салыр, чижээ:

Кыш орту кирип чорда, хар-чам улгаткаш туруп берген. (К. Кудажы.)

Даң адып кээрge, дарааның чарылгазынга хүлээлгем дужаап бердим. (С. Тока.)

Чугын төнгелекте, авам кирип келди. (С. Пюробю.)

Ынчап хөөрежип олурувуста, ийи кадарчының соондан хөлчөк улуг сеспигир кара ыт далаш-бile челип чоктады. (С. Сарыг-оол.)

Тараа бышкыже, сиғен кезилдезин доозар. (С. Сүрүн-оол.)

§ 13. Биче секти чагырышкан нарын домакта даар байдалдың болгаш чөрүлдээниң тайылбыр домактарының сөөлүнге салыр.

а) Даар байдалдың тайылбыр домаанга, чижээ:

Хураганнарны үргүлчү кажаага тургузар болза, өзөринге-даа, кадыынга-даа багай болур. (Л. Чадамба.)

Ол дайзын ам бир-ийи шураар болза, динчигеш күжүр аспакка кирер-ле. (Х. Ойдан-оол.)

— **Бир эвес тыва араттар силер оларга удур тура халыжып кээр болзуңарза,** бис анаа көрүп олурбас, силерге болчу бээр бис — деп, кызыл партизаннарның чанчыны харылаан. (С. Пюорбю.)

б) Чөрүлдээниң тайылбыр домаанга, чижээ:

Дайзын ыйып чүткүзе-даа, дайынчы чон тендиш дивээн. (Ю. Кюнзегеш.)

Мергенниң кырында күстүң оожум кежээзи дүжүп келген болза-даа, күсүү алдын бүрүлөрниң янзы-бүрү өнү имиртинчи өттүр харын-даа чырык көстүп турган. (С. Тока.)

Үер, чаңык, өрт, шуурган үреп-талап хоратса-даа, үнүп орар шеди үргүлчү-ле халап турар. (С. Сарыг-оол.)

§ 14. Биче секти кол домактың иштинге тайылбыр домакты ийи талазындан аңгыларынга хереглээр, чижээ:

Охаай, оларга сен, **моон бар чыдырда,** ужурашкан-дыр сен. (С. Тока.)

Ол хиреде-ле улус чанар хөнү чок, **бир эвес караңылаваан болза,** ам-даа ажылдаар хире турган. (О. Саган-оол.)

Мен харын, **бөргүмнү дүй баглап, улуг негей тон-бile дүй шуглаарга,** хорадап, ынавайн ... чораан мен. (С. Сарыг-оол.)

Ынчап ойнаап турувуста, бызааларывыс кежээ, **хүн ажа бергенде,** чанып келдилер. (С. Сарыг-оол.)

§ 15. Биче секти **соонда, соон дарый, сөөлүнде, аразында, орта, ужурунда, төлээде, төлээзинде, биле, билек, ужун, дээш, болгаш** чөргөлиг дузалал сөстер-бile кол домакка катышкан тайылбыр домактарның сөөлүнге салыр, чижээ:

Партизаннар чорупкан соонда, Сарыг-Сепке Мықылай деп аттыг кижи тыпты берген. (С. Тока.)

Чем хайнып турар аразында, өгнүү иштин дескиндер көре кааптым. (С. Пюорбю.)

Шыданмаан аyt дап бээр орта, сывырлып каар чазыптыр мен. (Э. Кечил-оол.)

Айттырыг билдингир болган төлээде, ону ам ажылхерек кырынга боттандырар болгай. (С. Сүрүн-оол.)

Кыйгырыгны чарлаар солун, дептер чок болган ужурунда, ооң утказын ядыы араттарга чедирери-бile кожууннар санынче элчилер аyttанган. (С. Тока.)

Төрээн бижик чок ужун, моол бижик ажыглап турган. (С. Тока.)

Аржааныыг-Хем даштыг болгаш, ак-ла бора дуюу быйыг. (С. Сарыг-оол.)

Биче-кыс эки дыңназын дээш, Кодур-оол орук дургаар кынгырткайндыр ырлап чоруп орган. (С. Тока.)

§ 16. Биче секти **болдур** деп дузалал кылыг сөзүнүн, -ыл, -ил, -ул, -үл, -л деп кожумактарның болгаш -дыр, -дир, -дур, -дүр, **ийик** деп артынчы сөстерниң дузазы-бile кол домакка катышкан тайылбыр домактарның сөөлүнге салыр, чижээ:

Кажан-на салыптар болдур, ынчаарда-ла чедип кээр мен. (С. Тока.)

Эмге-сеске, чурум кайдал, элбек, байлак колхоз ында. (Үлегер домак.)

Бодумнуң хөрээм дугайында кымга четсе экил, чугаалап берип көрүнерем — деп база айттырдым. (С. Тока.)

Кайнаар бар дей-дир, ынаар баар мен. (С. Тока.)

Шыктыг хөрзүнгө ыяш канчаар үнер ийик, ол (Герасим), үнү чок болгаш, база ынчаар доругуп өскен. (И. Тургенев.)

§ 17. Биче секти **чүгे дээрge, чүгe дизe, чүл дизe, чүл дээрge** деп чагырыштырар эвилелдерниң дузазы-бile кол домакка катышкан тайылбыр домактың мурнунга салыр, чижээ:

Олар мээн бo кадарып чyдar шaңымga келирлер, **чүгe дээрge** бо бистин, хову бригадавыстың одаа болбазыкпе. (М.Кенин-Лопсан.)

Келген кижи чечек салгаш, кедергей үр көрүп турар, **чүгe дизe** бистин, мында орус, тыва араттарның чүректерин кады хөмген — олар ам-даа мөнгө чурттаар. (О. Сувакпит.)

III. Домактың чаңгыс аймак көжигүннеринин аразынга биче сек

§ 18. Биче секти домактың эвилелдер чокка катышкан чаңгыс аймак көжигүннеринин аразынга салыр, чижээ:

Ажыл-ишке арга-сүме сүмележип **агитатор, эмчи, дарга** болчуп көлир. **Солун, сеткүүл, чагаа, медээ** үзүктел чок сорук-кузел күштелдирип чырыдып кээр. (А. Арапчор.)

Кажан шагдан төрелдешкен **хакас, бурят, орус, казах, алтай, татар** — бүгү чоннар дуңмазы боор тыва чоннуң аас-көжин дарганнашкан. (Ю. Кюнзегеш.)

Күзел ышкаш **делгем, чырык, күштүг, чолдуг** Төрээн чурттуң ыржым-тамчыын камгалаар дег ындыг улуг алдар кайдал. (З. Намзырай.)

Суурнун ыржым кудумчузун өрү **майкаларлыг, шароварларлыг, спортчу майыкташтарлыг** иий уруг хөөрежип чоктап орган. (С. Пюрбю.)

Каттаан, тооруктаан, айлаан, бестээн уруглар эдерери бир-ле берге болгаш тергиин херек ол. (С. Сарыг-оол.)

Көөргө, күжүр Домбаш аъдын **мунуп алган, хүлбүзүн** олбо талазында чаяңнадыр дергилеп **алган, каттырымзай берген** чортуп олурган. (С. Тока.)

Тайылбыр 1. Чаңгыс аймак эвес тодарадылгаларның аразын биче сек-бile аңгылавас, чижээ:

Күдер сынныг аваангыр эр хүрөң-кыскыл тууйбуларны малгаш-бile былчай шапкаш, маажым эптей салып тур. (Т.Кызыл-оол.)

Турлаавыстың артыы чарында **мөзүр-мөзүр хаяларлыг кадыр** даг хереп алган, мурнуу чарында кылагар ак хову херли берген, ооң ындында ынаар калбак эзимнерлиг сын көгерип чыдар. (С. Пюрбю.)

Тайылбыр 2. Кожа турар деепричастиелерниң (причастиелерниң) баштайгызы сөөлгүзү-бile кады чардынмас утканы илередир азы байдал бооп чоруур болза, ону биче сек-бile аңгылавас, чижээ:

Кижины мурнай көрүп каан дииң **хоруп олуруп калыр.** (С. Сарыг-оол.)

Он шаа хонукта өске аалдар **тегерип чоруп тур мен.** (С. Пюрбю.)

Хаяжык ынчалдыр **бодап алган ажылдан турган.** (С. Сарыг-оол.)

§ 19. Биче секти **a, харын, ынчалза-даа, ынчалзажок, ынчанмыже, ынчаарга** чергелиг эвилелдерниң дузазы-бile катышкан удурланышкак уткалыг чаңгыс аймак көжигүннеринин аразынга (ук эвилелдерниң мурнунга) салыр, чижээ:

Сен чаш уруг эвес, **a** эр апарган кижи-дир сен. (С. Пюрбю.)

Чаашкын аязыр хамаанчок, **харын** улам киткеп, мырыңай хар-бile холужуп кээп турар апарган. (О. Саган-оол.)

Мерген шаа төнүп турupкан, **ынчалза-даа** аас-көжиктиг болу берген, аксынче бадып чыдар. (С. Тока.)

Хоочун кадарчы кочулай аарак, **ындыг-даа болза** арай билдирибес кылдыр чугаалаан. (О. Саган-оол.)

§ 20. Биче секти **чок болза, азы, бирде, чамдыкта, эвес, та, бе, -даа** чергелиг домакка катаптап кирер сөөстерниң дузазы-бile катышкан чаңгыс аймак көжигүннеринин аразынга салыр, чижээ:

Аңаа салды онза эптиг башкарбас болза, **чок болза** хаяга үзэр, **чок болза** чаңгыс черге дескинип турup бээр. (С. Тока.)

Дүжүметтиң хөректээшкининг ийикпе, **азы** мээн берген харыымга шыдашпайн ийикпе, **азы** черле бодунуң аайы-бile ийикпе:

— Че, оолдар — дээш, Тактаң-Маадыр мурнууста өрээлчे кире халыды. (С. Тока.)

3* Правила орфографии

Чүнү-даа канчаар аайын тыппайн, ангадап харлыга берген, хейде-ле **бирде** төвеже, **бирде** эжимче көрүп каап тур мен. (К. Оргу.)

Оюнмаа танывазы улуг кижилир-бile какан-даа чугаалажып көрбээн. Ынчангаш канчаар олурап аайын тыппайн, холдарын **чамдыкта** стол кырынга салып-даа, **чамдыкта** дүжүрүп-даа, **бирде** дужунда хананы дургаар аскылап каан карталарже көрүп, **бирде** баарында столче көрүп, иштинде дүвүреп-ле олурган. (С. Пюрбю.)

Азага кыскаш-даа **эвес**, бурганга чула-даа **эвес**. (Үлегер домак.)

Ында **та** кандыг оран, **та** кандыг чурт бар чүве. (С. Тока.)

Чуртталгазында бир дугаар таваржып турар ажыл болганды, оларга сүрээденчиг-**дас**, өөрүнчүг-**дас** болур ужурлуг. (О. Саган-бөл.)

Тайылбыр. Домакка **чок болза**, **ийикпе**, **азы**, **база** деп катаптавас эвилелдерниң дузазы-бile холбашкан чаңгыс аймак кежигүннерни биче сек биле аңгылавас, чижээ:

Оюнмаа даады-ла ындыг: артыкы соңгадан дуюкаа кирип келгеш, удаан бооп чыдар **чок болза** дүштежок чемненип олурап. Авазы ону көрүп кааш, аажок магадаар **чок болза** менней бээр. (С. Пюрбю.)

Албан черинден чүгле беш аттынар ланчыны, сарыг кандааза, тейин дургаар динч кудуруу илип каан довурзак **азы** терезин бөрт алыр турган. (С. Тока.)

§ 21. Биче сектi кандыг-бир чаңгыс сөстү **азы** деп эвилелдиң дузазы-бile бир янзы кылдыр тайылбырлаан сөстүң ийи талазынга салыр, чижээ:

Тайгада сырбык, **азы динىң**, элбек. Аң-менциң база бир дайзыны үстү, **азы дырбактыгны**, шагның кайы-даа үезинде өлүрери хоругдал чок.

Биче Енисей, **азы Каа-Хем**, ыраккы сыннар баштарындан эгезин алган.

IV. Катаптаар сөстерниң аразынга биче сек

§ 22. Биче сектi домакта катаптаан бир дөмей сөстерниң аразынга салыр, чижээ:

Кортпа, кортпа, Экер. Шоолуг чүве-даа болбаан. (С. Пюрбю.)

Ажырбас, ажырбас, оол. Үжүглел бисте ам-даа хей, саазын, карандаш база бар. (С. Тока.)

Ховуларда тараа-ла тараа, тараа-ла тараа. (С. Сарыг-оол.)

Кукуруза, кукуруза. Мoорланар, моорланар! — деп, кур чер ону чалап турган. (Л. Чадамба.)

Амыр!.. **Ийет, ийет.** Дарга чедип келген деп дыңнааш, хөлчок далажып, артында дериде бердим. (С. Тока.)

— Чүү дидирлер? — деп, хаан айтырган.

Мергелдей тургаш:

— **Шымда, шымда** — дээр улус-тур. (Тоолдан.)

— **Чок, чок**, Оюнмаа, сен часпаан сен, шынын чугааладың, мен шаанды башкы чораан мен. (С. Пюрбю.)

V. Деңнелгениң тайылбыр домактарынга болгаш бөлүглелдеринге биче сек

§ 23. Биче сектi **ышкаш, дег** деп эдеринчилир-бile болгаш **-зыг, -зиг, -зүг, -зүг** деп кожумактар-бile илереттинген деңнелгениң тайылбыр домактарын тускайлаарынга хереглээр: оларның домак эгезинде турганын сөөлүндөн, ортузуndaазын ийи талазындан, сөөлүндээзин мурнундан тускайлаар, чижээ:

Чаңык дүжүп динмирээн дег, үгер-боодан коргунчуг от үргүлчү-ле частып турган. (Ю. Кюнзегеш.)

Салгын-сырын, **сарым ышкаш**, чаагым сыйбап эргеленир. (С. Пюрбю.)

Хат-шуурган кооладыр хадып турган, **бөрү улаан чүве ышкаш**.

Чазык-чаагай чаңнап орда, **чагган кудай аясан дег.** (С. Сарыг-оол.)

Дидин бе дээнзиг, шынап-ла машина дүргени дегет дэдирленип бадыпкан. (К. Чамыян.)

§ 24. Биче сектi сөөлү **ышкаш, дег** деп эдеринчилирлиг болгаш **-зыг, -зиг, -зүг, -зүг** деп кожумактарлыг деңнелге бөлүглелдерин тускайлаарынга хереглээр. Домактың эгезинде

бөлүглелди сөөлүнден, ортузундаазын — ийи талазындан, сөөлүндээзин — мурнундан тускайлаар, чижээ:

Та канчап оон үнүп келген чүве ийик, ол туругнуң кырында чаңгыс чодур кара пеш, **хереп келген адиг дег**, сербее берген тур. (С. Пюрбю.)

Бистиң октарывыс дээрбечилерни, **чилиг кадыыр-бile мургу кескен ышкаш**, кыргый шаап-ла тур. (С. Тока.)

А балдыры-даа, холдары-даа, **сугда ыяш дег**, сириңейнип олурап болган. (С. Сүрүн-оол.)

Чедишken ай, **даарта силерге бараан болур аяс хүннү чалап эккэйн дээнзиг**, бедик сынның кырында чылып бар чор. (М. Доржу.)

Ол-бо чарыкта даглар чоорту кызаалап келзе-келзе, **шүүтла хемче шаштыккан коридор дег**, чалымнаар апаардылар. (С.Пюрбю.)

Тайылбыр. Хамаарышкан сөстеринден грамматика азы интонация талазы-бile чардынмас, оларның-бile тудуш холбаалыг деңгелгелерни биче сек-бile тускайлавас, чижээ:

Ховуну-даа, дээрни-даа көөрге, **кыдыг-кызыгаар чок чүве ышкаш апарган чыдар**. (О. Саган-оол.)

Дээди шынның хойилузун мактап ырлаан делегейде **мен дег** чоргаар хамааты чок. (С. Сарыг-оол.)

Хөвөң дег хар дүне чаапкан — даштын ак чайт! (С.Сүрүн-оол.)

Чойган ышкаш хөнү сынныг, **чодураа дег** кара карактыг... (С. Пюрбю.)

Даг дег караны **довук дег** ак базар (Үлөгер домак.)

Хөвөң дег ак дүктүг, **хой дег** чаагай мүннүг. (Тывызык.)

Эзир ышкаш эрес, **хартыга дег** кашпагай.

VI. Тайылбыр капсырылгаларынга биче сек

§ 25. Биче секти мурнунда хамаарышкан сөзү-бile бир дөмөй арын, сан, падеж болгаш хамаарылга кожумактарлыг бооп хереглеттинер тайылбыр капсырылгаларын ийи талазындан тускайлаарынга (аңгылаарынга) хереглээр, чижээ:

Бистер, **ажылчыннар**, өөренир ужурлуг бис. (М. Горький.) А дайзыннар, **мелегейлер**, бисти өлүмден коргар боор деп бодап турарлар-дыр. (А. Фадеев.)

Бистерни, **хәй солдаттарны**, хенертен чыскаапкан. (С.Сүрүн-оол.)

Кырганнар, **Николайның адазы биле авазы**, ээп чанып келгеннер. (А. Чехов.)

Арткан алышылар, **Мартын биле Прохор**, Алексей-бile кара-ла чаңгыс-тырлар ийин. (М. Шолохов.)

VII. Кол кылдыныгга немелде кылдыныгны илередир деепричастиеғе биче сек

§ 26. Биче секти домакта кол кылдыныгны мурнап турар немелде кылдыныгны илередир деепричастиеңиң сөөлүнгө салыр, чижээ:

Караңы имирде **тургаш**, аңнап чоруптувус. (О. Саган-оол.)

Түрүп чоруткаш, баглап каан айттың дынын **чешкеш**, колун-чиримин **дыңзыткаш**, Вераже чедип эккелдим. (С. Тока.)

Машиназын менээ **түтсүп манадып кааш**, дөржे басты. Аңаа баргаш, чүве **тыппайн**, аяар, ыыт чок ээп келди. (Ю.Кюн-зегеш.)

Даг **көрбейн**, эдээн азынма — суг **көрбейн**, идиин ужулба. (Үлөгер домак.)

Сүггүр чаяс кезек **тө каап чоруй**, аязы хона берген. (С.Сүрүн-оол.)

Оюнмаа **чанып ора**, база дыка боданган. (С. Пюрбю.)

Ыңчап **көрүп чыда**, удуп каап-тыр мен. (С. Пюрбю.)

Чоон кезектерниң чаштанчылары дызырткайндыр **дагжа-вышаан**, ишкээр ужугуп тургулаан. (Л. Чадамба).

Бараан айын **баглап каг салы-ла**, контораже далаштыбыле базыпкан. (Л. Чадамба.)

Тайылбыр 1. Утка болгаш интонация талазы-бile дараазында кол азы дузалал кылдыныгга тудуш деепричастиеңиң биче сек-бile аңгылавас, чижээ:

А айтырыгны **саадатпайн** шиитпирлээрин уругнуң арын-нүүрү **негээш** турупкан. (С. Сүрүн-оол.)

Дезип үнеринден **четтикпейн** барган бис. (О. Саган-оол.)
Наталья Прокопьевна аалчылар хулээл алыр дээн, кежээки чөм **аппарып бер дээш** чорутту деп мындыг. (С. Тока.)

Хенертен чаыс куттулуп кээр орта, баш сугар чөр **тыппайн** барган мен. (С. Сүрүн-оол.)

Оъттаан хой чоогунда эн-не бедик тэй кырынга үнүп алгаш, **ырлап олура** хүнзээр мен. (С. Пюробю.)

Тайылбыр 2. Чуве адынга азы чуве адынче шилчээн причастиеге хамааржыр **дээш** деп эдеринчиниң сөөлүнгө биче сек салбас, чижээ:

Төрээн чөрде тайбын чол **дээш** демиселде төрел чонга биле-демниг дөгөрөввис дузалаар бис. (Э. Кечил-оол.)

Магалыг өөрушкү, чаагай чуртталгам **дээш** хурешке мен ону дөзөл доруккан мен, (С. Пюробю.)

§ 27. Биче секти **дораан, соонда** деп сөстер-бile төнгөн причастиелиг бөлүглелдерниң сөөлүнгө салыр, чижээ:

Бижикке өөренип алган дораан-на, чагаа бижиир мен.. (С. Тока.)

Куу костюмнүг, күдер сынныг аныяк дирт кара кижи кирил келгеш, **Александри Иванович-бile мендилешкен дораан-на,** Оюнмааже көрүнген. (С. Пюробю.)

Ол аразында Көстүк **чыдышыргаан соонда,** куу ыяштар аразынче ыңай-ла болган. (Л. Чадамба.)

Тайылбыр. Причастиелиг бөлүглелге кирбейн, анаа байдал болур **дораан, соонда** деп сөстерни биче сек-бile аңгылавас, чижээ:

Койгуннүн бажын Черликтенге **ол-ла дораан** одура шаал берген бис. (С. Тока.)

VIII. Домакта өске сөстерни тодарадыр азы кызыгаарлаар сөстерге биче сек

§ 28. Биче секти домакта **ылангыя, башка, өске, аңгыда, хамаанчок, ёзуугаар, безин, туржук, байтыгай, оон иштинде** чөргелиг сөстер-бile кады мурнунда ийикпе дараазында сөстерни утказын тодарадыр азы кызыгаарлаар сөстерни тускайлаарынга хөрөглээр чижээ:

Долума оларның соондан таваар бараадап чорда, думчуунга көктүн, **ылангыя кулчаның**, чыды каңып билдинип турган.

(О. Саган-оол.)

Казанакта, **менден башка,** бичи уруглар чөрле чогул. (С. Тока.)

Оон сураан дыңнаан боордан башка, бодун көрбээн кижи мен. (С. Пюробю.)

Бо мунуп чоруур доруг аъдымдан аңгыда, аалда молдургалыг шилги инэм бар. (О. Саган-оол.)

Аңаа, **аныяктардан өске,** кырганнар база келген. (Л.Чадамба.)

Мергеннин уну, **чайның кончуг изининде безин,** дагның өң-баазын чечектери-бile каастаныпкан чыдар. (С. Тока.)

Бир-бирде, **кижи дег бичи чүве хамаанчок,** бүдүн бажыңнар көзүлбейн баар; кижиңиң бүгү боду, **оон туржук аксы-думчуунуң ишти,** куруг довурак апаар. (С. Сүрүн-оол.)

Өөр чораан малыңарга халдаар байтык, өскелерден бодум ону камгалаар мен. (И. Крылов.)

§ 29. Биче секти домакта немелде тайылбырларны тускайлаарынга хөрөглээр, чижээ:

Шак оортан, **ол даглардан,** хенертен соок болгаш шык хат хадып келген. (М. Кенин-Лопсан.)

Бис элээн үр, **кежээге чедир,** селгүустээн бис. (И. Тургенев.)

Маңаа, бо **совхозка,** ажылдаар, кежээки школага өөренир. (С. Пюробю.)

Оон мону, **бо хлебти,** меңээ белекке база бердилер. (С. Тока.)

Ававысты, **чөнүк иевисти,** кээргеп чоруур сен. (С. Сүрүн-оол.)

IX. Кириилде сөстерге болгаш кириилде домактарга биче сек

§ 30. Биче секти кириилде сөстерни болгаш кириилде домактарны тускайлаарынга хөрөглээр, чижээ:

Шынап-ла, адазы, иези чок чаш кижи канчап өзөр. (С. Тока.)

Шында-ла, дыка элдептиг хүн-дүр бо. (С. Пюробю.)

Бодавыже, номгулаштыр бижири берге турган болгай аан. (С. Пюрбю.)

Даңзычы харын, **екизи көрген**, меңзэ болчу бээр эвеспе. (С. Сүрүн-оол.)

Ол чазын, **чаяан бооп**, аннап чорутпаан болзумза, бо аыт кулун турда-ла, бөрү чип каар турган-дыр. (М. Кенин-Лопсан.)

Дузалаар дээш, таакпым хавын кактап көөрүмгэ, **харылаан**, хөвкетелип төнүп калган болду. (О. Саган-оол.)

Каяа-даа баарга, бо-ла таваржы бээр Чинчиваа, **бак чаяанныг**, база ында олурган. (С. Сүрүн-оол.)

Кааң хүннерде тырттынгаш, бичии дырылап чыдар, **сактырга**, аксынга арай боорда чедер ышкаш көстүр. (С. Тока.)

Шынын чугаалаарга, база, **аанакайын**, сilerge бичии шаптык болур дээш келдим. (С. Сарыг-оол.)

Ажыы-бile чугаалаарга, ону мен уттуukan турган мен. (С. Сүрүн-оол.)

Канчаарга-даа, дөмей-ле үүле бүтпес болганды, **мен бодаарымга**, өөренгени дээрэ-дир. (С. Пюрбю.)

Чугаага кирилде сөстер болгаш кирилде домактар кылдыр хөрөглөттинер сөстер элэнх хөй, чижээ: **чугаажок**, **магатчок**, **хайлыг**, **хугбай**, **чижэлээрge**, **бирээде**, **ийиде**, **бир чүүлүнде**, **ийи чүүлүнде**, **адактың сөөлүнде**, **аас-кеҗии** бооп, ядараан, бодап-даа көөрге, **шынын сөглээрge**, **допчулап чугаалаарга**, **оортан алырга**, **хирезин бодаарга**, **силерни-бile**, **силерни-бile алырга** дээш оон-даа өске.

X. Адалгага биче сек

§ 31. Биче сектi адалгаларны боттарынга хамаарышкан сөстер-бile кады тускайлаарынга хөрөглээр, чижээ:

А авай, мен Сарыг-Сеп баргаш келийн. (С. Тока.)

Үгбай, сени авам дыштаңып чыт дээн болгай. (С. Пюрбю.)

Шымда, **оглум**, кош-адыжың тут. (С. Сарыг-оол.)

Ой, **күжүр эжим**, адыр. (С. Сүрүн-оол.)

Өлчеймаа! кай барган, **эжим?** (С. Пюрбю.)

Айга чедер күзелим бар, аytкарып көр, **ынак Москвам!** (В. Эренчин.)

XI. Аян сөстеринге биче сек

§ 32. Биче сектi аян сөстериниң сөөлүнгө салыр, чижээ:

Аа, ол дээргэ бистиң оглуустуң шолазы-дыр, ийин. (С.Пюрбю.)

Ой, солунун, даргаларым. (О. Саган-оол.)

Ой, ой, Ээр-Мыйис хураганнапты! (Л. Чадамба.)

Оо, сээн օоң-даа чөп-тур. (С. Тока.)

Ээ, баянны электен соксадыптың, эш Чүктөр. (О. Саган-оол.)

Па, мында чоп туруп алган сен! (С. Сүрүн-оол.)

Ойт, мени чоор сен? (С. Сүрүн-оол.)

Уваа, ындыг чүве турган чүл аан. (С. Пюрбю.)

Охаай, ындыг турган чүл! (С. Тока.)

Оош, тааланчыг-ла-дыр, оглум! (С. Тока.)

Хош, калчаарава. Мен сенээ көгүттүрбес мен. (К. Кудажы.)

Ай, ай, Оскар! — дишкеш, ийи эр каттыржып шаг болган. (К. Кудажы.)

Тайылбыр. Домак сөөлүнгө аян сөзү болбас, а дыңзыткан шинчи бээр **аа**, **оо**, **ойт**, **ой** чөрөлиг артынчы сөстерни мурнунда сөзүнден биче сек-бile аңгылавас, чижээ:

Аа, экизин **аа!**.. Боовус чок-ла коргунчуг-дур **аа!** (С. Сарыг-оол.)

Сагыш хандыр хөөрөжир бис. Үндиг-дыр **аа?** (С. Сүрүн-оол.)

Тожу кожуунун алдарлыг мөгези Чадамбаның шодак-судаа сыңмайдыр **оо!** (С. Тока.)

Поо дадайым, кай, ынча чеде берген бе **ойт**, күжүрлерим? (С. Сарыг-оол.)

Саадак демир-хүүрээн арай боорда ушта соптарга, өг-хараган чындыя берген:

— Ол боор көрөм, таптыг-дыр бе? Чоп кежээледин. Калчаараан хей боор **ой**. (М. Кенин-Лопсан.)

XII. Айтырыг, харыы сөстериниң база албадал, дужаал уткалыг сөстериниң сөөлүнгө биче сек

§ 33. Биче сектi домак эгезинге хөрөглөттинер айтырыг, харыы, албадал болгаш дужаал уткалыг домак сөстериниң сөөлүнгө салыр, чижээ:

Кай, ону билбес сен бе? Азы уттуukanың ол бе? (С. Сүрүн-оол.)

Чул, мындыг ажыл кылыптарыңарга, кырый бээр кижи сен бе? (О. Саган-оол.)

— Силер Москваже бар чыдар сiler бе?

— **Ийе**, арай боорда чөпшээрел ап алдым. (С. Тока.)

— Мен дөө үнгүр аксынга олурган тарбаганны база көрдүм, Сен көрдүң бе, акым?

— **Ийе**, кончуг улуг мургу чорду. Боолаайн дээrimge, арай-ла ырак болду. (С. Сарыг-оол.)

— Адар-оол, сiler удуй бердиңер бе?

— **Чок**, удувайн-дыр мен, эмчи. (О. Саган-оол.)

Ой та, билир эвес, билзе-даа сөглээр эвес. (К. Кудажы.)

Каям, соок чүведен. (С. Пюробю.)

Че, ам болган, агаарлап, ойнап, хөглөп алышар, орланнар. (Л. Чадамба.)

Ма, олургаш, чемненип ал. (О. Саган-оол.)

Тайылбыр. Домак аразынга азы сөөлүнгө хереглеттинер **але**, **шүве**, **че**, **чоп**, **ма**, **харын**, **ынчаш** чергелиг сөстерни мурнунда сөстерден биче сек-бile аңгылавас, чижээ:

Элдеп-ле чүве-дир **але**, мээн сенче чоруткан телеграммам канчап будула берген чүве боор? (С. Пюробю.)

Ол дораан чугаалавас чөгөнчинин **але**. (С. Сүрүн-оол.)

Эй, оол, бо удаада эки-ле эрт **харын**, ооң соонда көргей сен аан. (Л. Чадамба.)

Сен чөрле кажан чайланың кижи сен **ынчаш**? (О. Саган-оол.)

Ындыг-дыр **че**... Улузум манай берген боор, мэнди-чаагай! (С. Тока.)

Черде улузунга барбас кижи сен бе? Дем-не келдиң **чоп**. (С. Пюробю.)

XIII. **Болза, дээрge, деп, дээш деп сөстерниң сөөлүнгө биче сек**

§ 34. Биче секти даар байдалдың азы чөрүлдээниң тайылбыр домаанга эвилел уткалыг бооп кирер **болза** деп сөстүң сөөлүнгө салыр, чижээ:

Кайы-бир ак өгнүң дүндүүндөн ыш-бус буруңайнып турган **болза**, ынаар чүгүржү-ле бээр бис. (С. Тока.)

Назы-хары улгаткан-даа **болза**, кашлагайы кончуг. (Л. Чадамба.)

§ 35. Биче секти дорт азы доора чугаа-бile авторнуң сөстерин холбаштырар **дээрge, дээш** деп сөстерниң сөөлүнгө салыр, чижээ:

Намның улуг хуралы болур чүве **дээрge**, аңаа чор мен. (С. Тока.)

— Мону канчап эртер кижи боор мен? — **дээрge**, аъды тургаш:

— Каң хожуула огуң-бile өттүр адывыт — деп-тир. (Тоолдан.)

— Мени тудуңар, ақыларым, от чиди! — **дээш**, акымдан чаңгыс холум-бile туттунуптум. (С. Сарыг-оол.)

Тайылбыр. **Болза**, **дээрge** деп сөстер кол сөс бile сөглекчиниң аразынга холбакчы (кол сөстүң айтыкчы) бооп киргендé, оларның сөөлүнгө биче сек салбас, чижээ:

Бай-Тайга **болза** бистиң республикада эң хадыычал районнарың бирээзи. (С. Сүрүн-оол.)

— Тайбың **дээрge** чуртталга — деп, база бир оол чиге сөглээн. (Б. Хөвөңмей.)

§ 36. Биче секти дорт азы доора чугаа-бile авторнуң сөстерин холбаштырар, соонда ат сөстүг **деп** дээр сөстүң сөөлүнгө салыр, чижээ:

— Шупту чыылган-дыр, эш командир — **деп**, Петров илеткээн. (С. Тока.)

Оон ыңай улуг кижилер-бile мендилежип, оларны хүндүлөп чоруур — **деп**, кырган-авам чагып олур. (Х. Ойдан-оол.)

Тайылбыр. Соонда ат сөзу кирбээн **деп** сөстүң сөөлүнгө биче сек салбас, чижээ:

Кезек хөөрөп берип көрүнерем — **деп** ээрштим. (С. Пюробю.)

— Мени билбес деп бодаар сен бе? — **деп** оожум сымыранып чаңчанган соонда, ыыды чиде берди. (С. Сарыг-оол.)

БҮДҮН ЧАРТЫК СЕК

Бүдүн чартык секти элээн делгеренгей апарган чагырышкан-даа, чагырышпаан-даа нарын домактарны ийикпе азы домактың чаңгыс аймак көжигүннерин утка болгаш тургузуг аайы-бile аңгылай чаарынга хереглээр.

Бұдұн чартық сек колдуунда чечен чогаалға ажыглаттынар. Бұдұн чартық секти кажан, каяя, кандыг таварылгада херегләэри бижәэн чүүлдүң иштики тургузуундан, авторнұң бодундан кол хамааржыр. Ыңчанғаш бұдұн чартық секти салырының негелделерин школа практиказынга сагыры албан әвес, ылаңғыя өөреникчилерниң бижимел ажылынга мону частырыға санаваза чогуур.

§ 37. Бұдұн чартық секти эвилелдер чокка чаңғыс нарын домак бооп каттышкан делгеренгей, ылаңғыя кайы-бирәзинде биче сектиг (сектерлиг) өткізу шаан бәдүүн домактарның аразынга салыр, чижәэ:

Үяш бүрүзү шупту торгу, маңык кеткен; ол арга-ыяшта, тұлаа-шыкта, хемнер, хөлдер әріктеринде хөй янзы күштүн үнү кандыг ийик. (С. Сарығ-оол.)

Он һийи шак хапканда, скрипка хылы үстүп чаштай берген; дооза-ла каттыржып, доюлгаш, мендилежип өткізу шаан (А. Чехов.)

Бир-ле аалға кайгамчык кара “чүве” чуглуп өткізу шаан. Баглаашта аұттар оон хойгаш, дынын үзе тыртып алгаш, арыгже садырт дәэн; ыттар аажок эзип, аал коданын бар-ла шаа-бile камгалап туткулаан; херәзженнер алғы-кышкызы-бile ажы-төлүн сегирип ап, аайын тывынмай, үне-кire маннашкан; бичи амыйтаннар аваларынга ыйт-дааш чок өткізу шаан... (О. Саган-оол.)

§ 38. Бұдұн чартық секти делгеренгей, ылаңғыя кайы-бирәзинде биче сектиг (сектерлиг) чаңғыс аймак кежигүннерниң аразынга салыр, чижәэ:

Поездиниң чеди дугаар вагонунда чоруп турар Тыва Арат Республиканың төләэлери Москваже, Кремльче, кандыг улуг сорулға-бile бар чыдарын поездиге чоруп орар бүгү-ле кижилер: фронту же далажып бар чыдар солдаттар, офицерлер; төрән черин, өг-булезин көөр деп бар чыдар совет кижилер; албан ужуру-бile чоруп орар инженерлер болгаш техниктер — угаары берге турган. (О. Саган-оол.)

Бодумнуң ажыдыышкынымны чажырыпкан мен; мени хүн-дүткеп көрзүн деп ону албадаксаваан мен; мени бодунуң бүзү-реттиргени кылдыр шилип алрын күзәэр мен. (М. Лермонтов.)

§ 39. Бұдұн чартық секти абзацтардан зегелеп дес-дараалай дугаарлап чыскааган бөлүк чүүлдер бүрүзүнүң сөөлүнгө салыр, чижәэ:

Дайзын Берлиннин дилиндек бетоннуг аэроромнарындан ужуп турар. Сүмеләэрим болза:

- 1) черже хандыр кастынар;
- 2) массалыг зенит боолаашкынын организастаар;
- 3) кызыгаарлыг атакалавышаан, дүнекиниң хөделиишкиннеринче шилиир;
- 4) хұндус дайзының атаказын ойттур шавар... (Г. Жуков.)

ИИИ СЕК

Иии секти чугаада домактарның азы домак кежигүннериниң аразында харылзаазын, бирәззи өскезин тайылбырлап турарын илередиринге херегләэр.

§ 40. Иии секти домакта түңнекчи сөстүң сөөлүнгө, чаңғыс аймак кежигүннерниң мурнунга салыр, чижәэ:

Шала кырында бызаңчының бұдүрүп кааны чүвелер-ле хөй: шилдеп каан соңға көзенектери, кастыктар, эргиннер, сандайлар. (С. Сүрүн-оол.)

Чок-ла чүве чок: аұт кырынга кедер, дүне одагга эштип удуур негей тон; динәнәрде кылаштап кедер өшкү кежи чолдак тон; орукка кедер кидис уктуг, шиш хаайлыг чымчак идик... (К.Кудажы.)

Ам хой кадарып турар черивис бо: Ала-Тей, Базарак, Дыт-чыктыг, Чанғыс-Терек бо мынчаар. (Л. Чадамба.)

Булунда стол кырында херексел-ле хөй: ырлаар-хааржак, даараныр машина, чемоданнар... (С. Сүрүн-оол.)

§ 41. Иии секти нарын домактың иштинде сөөлгү домак баштайгы болуушкуннүң чылдагаанын, түңелин айтыр ийикпе азы оон (бирги домактың) утказын немей тайылбырлап турар таварылгада баштайгы домактың сөөлүнгө салыр, чижәэ:

Мен билир мен: силерниң чүрәндерде чоргаарал-даа, дорт алдар-даа бар. (А. Пушкин.)

Дүне хай болган: бөрү чылгыдан бир кулун тудуп чипкен.
(С. Тока.)

Оюнмааның баары ажыш дээн: дунмазы Эрес-оолду сакты хонуп келген. (С. Пюрбю.)

Дарый өөрүнчэе далаш-бile хая көрүнген: олар бо чеде хонуп келген турган. (Л. Чадамба.)

Чааскаан аңаа Шурага чалгааранчыг эвс болган: журнал, дептер, солуннар-даа столда бар, чылыг-даа чер. (А. Барто.)

§ 42. Ийи сектi дорт чугааның мурнунда авторнуң сөстериниң сөөлүнгө салыр, чижээ:

Чүге дээрge оолдар-даа уруглар-даа даады-ла: “Орлан, Орлан” — дижип, ooң чанынга чыглыр. (С. Пюрбю.)

Оон ачазы ашак олура: “Эр кижиге Ада-чуртун камгалаары бир алдар, адазының адын сыкпазы ийи алдар. Кырган менден халбактанып оргаш чоор сен. Чонум чоорган, хөйүм хөйлен, мен кайын ажырар мен. Ада-чуртун мурнунга эр хүлээлгэн күүсеткеш кел, оглум...” (К. Кудажы.)

ТИРЕ

Тире амгы үеде бижимел чугаага дыка делгеренгей ажыглаттынып турар бижик демдээ болур. Тире демдек бижимел чугаада домактарның, домак кежигүннериниң, сөстериниң аразында хөй янзы харылзааларын илередир. Чамдык дыл эртемденнери тирени аңгылаар болгаш катыштырар утканы илередир демдек кылдыр көрүп турар.

§ 43. Тире демдекти кайызы-даа чүве ады-бile азы ат сөзү-бile илереттинген чугула кежигүннериниң (кол сөс биле сөглекчиниң) аразынга салыр, чижээ:

Экер-оол — школаның эң эки күш-культуржуу. (С. Пюрбю.)

Хемчик — Тываның шапкын хемнериниң бирээзи. (О. Саган-оол.)

Сарыг-оол — эң-не хууда көрүүшкүннүг шүлүкчү. Ол катаптаттынмас бот-онзагай болгаш кымга-даа дөмейлешпес. (А. Кал зан.)

§ 44. Тире демдекти ат сөзү сөглекчилиг домакка **ол, бо** деп ат орну-бile илереттинген кол сөстүң сөөлүнгө салып болур, чижээ:

Ол — бистиң эң тергин өөреникчилеривистиң бирээзи. (Л.Чадамба.)

Ол — дыка хүндүлүг, аас-кежиктиг шаңнал. (С. Сарыг-оол.)

§ 45. Тире демдекти чаңгыс аймак кежигүннерниң соонда кирген түңнекчи сөстерниң мурнунга салыр, чижээ:

Оймак-оймак аяң шыктарда ак-даа, сарыг-даа, кызыл-даа, көк-даа — **кандыг-даа** чечек бар. (С. Сүрүн-оол.)

§ 46. Тире демдекти бирээзи өскезин тодарадып турар сөстерниң аразынга хереглеттинер **болур** деп сөстүң орнунга салыр, чижээ:

Ынакшылдың чалбыыш оду — ыры база шак-ла ындыг. (Ю.Кюнзегеш.)

Ижип турар сууңар бажы — Каа-Хемден изиг байыр Чаа чыл-бile тудуп сундум. (С. Тамба.)

Чоодуларның олчазы — оол уруг ынчаар төрүттүнген. (К.Чамыян.)

§ 47. Тире демдекти домак ортузунга бодунуң тодарадып турар сөзүнүң соонда кирген делгеренгей капсырылганы ийи талазындан ангылаарынга хереглээр, чижээ:

Ол кажааның эжинге тудушкак бир өрээлгэ — **ёзулуг-ла албан қылыр кабинетке** — кирип, тоннарывыс азып кааш, база бир дежурныйлаар өрээлгэ кире бердивис. (С. Сарыг-оол.)

Тааланчыг, дыңаксанчыг үн — **тайбың күзээн бистиң чоннуң маадыр үнү** — өжээтенге тенниг шыкпышыр ышкаш болуп, өңүнктерниң чүректерин улам өөртүү. (Б. Хөвөнмей.)

Хорлуу кадай — **ырак Мөңгүн-Тайгада бөдүүн малчын арат** — чаа Тываның ёзуулуг төлептиг хамаатызы. (А. Кал зан.)

§ 48. Тире демдекти кожумактар болгаш дузалал сөстер чокка катышкан удурланышкак уткалыг ийи домактың аразынга салып болур, чижээ:

Буура кырырыр — бодаган өзер. (Үлегер домак.)

Ада өлүр — оглу артар, аyt өлүр — баглаажы артар. (Үлегер домак.)

Кижи өөделээр — кинчи үстүр. (Үлегер домак.)

§ 49. Тире демдекти кожумактар болгаш дузалал сөстер чокка каттышкан деңнелге уткалыг ийи домактың аразынга салып болур, чижээ:

Үннүң чаражы хекте — үнүштүң чаражы чечекте. (Үлегер домак.)

Кижи өзөр — кидис шөйлүр. (Үлегер домак.)

Чашпаа^кижикинүү сөзү хөй — чалгаа кижикинүү чылдаа хөй. (Үлегер домак.)

Багда доң быжыг — сөсте шын быжыг. (Үлегер домак.)

§ 50. Тире демдекти кожумактар азы дузалал сөстер чокка каттышкан, сөөлгүзү баштайгызының түннелин илередир азы дүрген болуушкуннарны (кылдыныгларны) илередир ийи домактың аразынга салып болур чижээ:

Соомда бир-ле кижи алгыра-дыр. Шала оожумнааш, хая көрнүп келдим — Домбаш болду. (С. Тока.)

Хос чудукту соктаан — сураг. Ис кескен — үнген шинчи чок. (Л. Чадамба.)

Ол коккаарактар ужун кожайга беш чыл бурунгаар өрелиг болдум — чылгыны халас кадарып тур мен. (С. Тока.)

Кызаш диген — күштүг чаңык кырган дытты диле шаапкан. (В. Сагаан-оол.)

§ 51. Тире демдекти домак ортузунга кандыг-бир түнекчи сөстү тодарадып турар чаңгыс аймак бөлүк кежигүннерни (капсырылгаларны) ийи талазындан аңгылаарынга хереглээр, чижээ:

Бистер — **Каңгый, Бежендей болгаш мен** — отту долгандыр олургулап алган, хүл бузурадып, дона берген эриннеривис-бile көстү үрүп олургулаар бис. (С. Тока.)

Караңгы өгде чүгле от чырыында үш кижикинүү — **ачазының, авазының, оглунун** — байдалы бир-ле чиктиг болгаш сезиктиг болган. (О. Саган-оол.)

Бистин^к кожаларывыс байларны — **Масловту, Мелегинни, Чолдак-Степанны** — бедик элди ажыр чууй идипкеш, боттары чер-чуртунун^к ээлери апарганнар-дыр. (С. Тока.)

§ 52. Тире демдекти ийи сектиг түнекчи сөстүң соонда кирген, домакты төндүрбейн турар чаңгыс аймак кежигүннерниң сөөлүнгө салып болур, чижээ:

Дүжүмде эмгежок чаагай аыш-чем: эйт, быштак, хоо-тараа — чип турдум. (С. Тока.)

Олар шуптузу: хүн-даа, даглар-даа, шынаа-даа — мени үдел: “Байырлыг, менди-чаагай, Дембек, чоруун чогузун!” — деп чугаалап, хұлұмзұруп турғанзыг. (Д. Бегзи.)

Чолдак-Степанның хөлечиктери: Веденей Сидоров, Данилка Рошин болгаш өске-даа ажылчыннары — база-ла чоруптарынга белен турғаннар. (С. Тока.)

§ 53. Тире демдекти домак ортузунда делгеренгей кирилде домактарны ийи талазындан аңгылаарынга хереглээр, чижээ:

Кур черни андарып турар уеде — **кур черни июнь айда, дүн дургузу қыска өйде, чарар чүве болгай** — аyt бажы мунуп турда, уйгу аажок келир болгаш ооң ужун, мал андазын оруундан өскээр чоруй баарга, ээм кымчызы-бile айдын-даа, мени-даа орааштыр шааптарга безин, ажынмайн турған мен. (С.Тока.)

Володяның үш угбазы — **оларның эң улуу он бир харлыг** — стол чанында олурғаннар. (А. Чехов.)

§ 54. Тире демдекти домакка катаалап кирер сөстерниң орнуунга хереглээр, чижээ:

Мен ынчаарда он харлыг мен, Бежендей — он ийи. (С.Тока.)

Туманныг орукту сен олче диле, а мен — боже. (Ю.Кюнзегеш.)

§ 55. Тире демдекти черлер болгаш шаг-үе азы саннар аразының кызыгаарын илередир сөстер аразынга салып (мындыг таварылгада тире демдек “оон тура аңа чедир” дээн чергелиг сөстерни солуп турар), чижээ:

Кызыл—Красноярск—Москва аразынга чоруур пассажирлерни даңзылаары дооступ тур. (С. Сарыг-оол.)

1914—1920 чылдарга чедир маңаа, харагандан ёске, чүүдаа турган эвес. (Л. Чадамба.)

Дүштээн черивисте 6—7 хире аал бар болду. (С. Тока.)

§ 56. Тире демдекти кандыг-бир өөредиг азы эртем аайыбиле кижилерниң катышкан хуу аттарының аразынга салыр, чижээ:

Кант — Лапластың космогония теориязы.

Джоуль—Ленц оларның физика дүрүмү.

§ 57. Тире демдекти диалог эгезинге хереглээр, чижээ:

— Чүнүң сургуулун дооскан сiler?

— Он класс дооскан мен.

— Ол-ла бе?

— Чок. Көдээ ажыл-агый техникумунда заочно өөренип турар мен. Зоотехник салбырында.

— Кайы курста?

— Бо чылын сөөлгү курсче шилчири мен.

— Келир чылын зоотехник апаар ышкажыл сiler але?

— Ийе. Ындыг-даа болза кадарчы хевээр артар мен. (С.Пюробю.)

— Чая, четтирдим, Вера! Улуу-бile четтирдим...

— Ажырбас, ажырбас. Четтирер чүү боор! Маңаа ам база кажан келир сен, Тока?

— Харын, та кандыг мен ыйнаан. Бир эвес Хем-Белдиринге турар болзумза, чедип кээр, төрөлдеримге ужуражыр мен. Бир эвес өскээр чоруй барзымза, дек келбес боор мен, Вера. (С.Тока.)

АЙТЫРЫГ ДЕМДЭЭ

Айттырыг демдээ болза, улуг сек ышкаш, бир домакты ёске домактан кызыгаарлап (аңғылап), домактың айттырыг аялгалыг (интонациялыг) төнген бодалын илередиринге хереглеттинер бижик демдээ болур.

§ 58. Айттырыг демдээн айттырыглыг домактың сөөлүнгө салыр, чижээ:

Вера кайда чоор? Чоп кайда-даа чогул? (С. Тока.)

Хамык чүүлдү чиик бодаар канчап барган кижи боор сен? (А. Даржай.)

Амдыы чаа-ла аяс турду, кайын келдин, харжыгажым? Аңнар изин айтып бээр дээш, кара черни каастаайн деп бе? (М.Кенин-Лопсан.)

Чул, мени аргалаайн деп бе? Азы амырап кочулаайн деп бе? (С. Пюробю.)

§ 59. Айттырыг демдээн чүве бижип орап кижи, ылаңгыя ооң ушта бижип ап орап цитатазында ужуру эки билдинмес азы чиктиг, чигзинчиг сөстерни илередири-бile оларның соонга скобкалар иштинге салып болур (мындыг таварылгалар колдуунда авторнун хууда стилиндөн хамааржыр ужурлуг), чижээ:

Улуг эвес (?) чүүлдерни очулдуруп, эде кылып, чогаадып болур база улуг эвес (?) шүгүмчүлдерни бижиптер тургаш, шыдавас мен деп, бодуңну кыдыра көөрүңгө, сенээ ыядынчыгдыр. (В. Белинский.)

КЫЙГЫРЫГ ДЕМДЭЭ

Кыйгырыг демдээн бижимел чугаада кандыг-бир дыңзыг аянны илередиринге хереглээр. Дыңзыг аянга колдуунда чугааның (домактың) дужааган, албадаан, хоругдаан, кыжанган, хорадаан, хомудаан, кыйгырган, йөрээл салган, дилээн, күзээн, мактаан, магадаан, байырлаан, өөрээн, муңгараан, шооткан чергелиг интонациялары хамааржыр.

§ 60. Кыйгырыг демдээн алгы домааның (дыңзыг аянныг домактың) сөөлүнгө салыр, чижээ:

Ногаан чайым, хүнне, хүнне — ногаа, тараа үнзүн, үнзүн! (Л. Чадамба.)

Дужувуста сындан дээрже ногаан өңүнг ракета дүндүштелип үнду. “Шупту чүве эки! Оркуту уламчылаар!” — дээн медээ ол. (М. Ховалыг.)

Эртем күштүг амғы шагның экизин аа, магалының аа! (С. Сарыг-оол.)

Саванды акым бөрүлөр артып алган кел чыдыр! (К. Кудажы.)
Сәэн-бile кожа чорааш, сестир чүвем көнгүс-ле чок! (А. Пушкин.)

Авыяастыг куурумчудан орук чайла! Акшаны чоор — адын кижи бодаар херек. (С. Стальский.)

Хураганнарның чаражын чүү дээр ону! (С. Сарыг-оол.)

§ 61. Кыйгырыг демдээн домак эгезинге кыйгырыг адалгаларының болгаш аян сөстериниң сөөлүнгө салыр, чижээ:

Эштер! Сорулга эки күүсчеттindi. (С. Тока.)

Улуг-Хемим! Шүлүктөрим ужуу сенде... (Ю. Кюнзегеш.)

Ачай! Чүнү эккелдин? Тараа бе? (С. Сарыг-оол.)

Поок хайт! Амытанга кайгаткан ыраажы-ла болгай сен! (С. Сарыг-оол.)

Аа дадайым! Солун-на оран-дыр! (С. Тока.)

Ой! Өскээр чугаалаптым, Александр Иванович. (С. Пюрбю.)

Хыр-р-р! Оларың кайда чүвел, бараскан? (Х. Ойдан-оол.)

§ 62. Бижээн чүүлүнгө холбаштыр автор бодунуң хамаарылгазын (шоодуп кыжыраанын, хомудаанын, хараадаанын азы магадаанын, элдепсингенин) илередир дээнде, чогуур сөстүң азы домактың сөөлүнде скобкалаан кыйгырыг демдээ салып болур, чижээ:

Бо-даа кончуг-ла коргунчуг сөстер-дир, Иосиф Николаевич: Хуу-салым (!) менээ ындыг аар-берге хүлээлгэ чүктээшкүнни дөгөп турар, а ынчаарга мен чогум кым мен, чүү кижи мен ынчаш? (В. Белинский.)

ХӨЙ СЕК

Хөй секти хереглээри авторнуң бодалындан хамааржыр. Хөй секти чугааның бир-ле онзагай аянныг болурун илередир таварылгада салыр.

§ 63. Хөй секти домакта бодалдың ам-даа уланчылыг, төнмээнин илередиринге хереглээр. Бир эвес домактың аяны-

бile аңаа айтырыг азы кыйгырыг демдээ турар апарза, ону (демдектi) хөй сектиң мурнунга салыр, чижээ:

Даң бажында Хем-Белдиринче айттаныр, даарта кежээ аңаа чедер... (С. Тока.)

Чүү, кандыг-даа болза, кады өөренип келдивис... (С. Пюрбю.)

Сен хей черге будулдуурарын оралдашпа: менээ шупту чүве билдингир... (С. Сүрүң-оол.)

Сарыг-Сеп кайда сен?.. Дишимнер-партизаннар кайда сiler?.. (С. Тока.)

Сiler ам-даа аңыг-меннig — олчалыг чоруңар!.. (С. Сарыг-оол.)

§ 64. Хөй секти кандыг-бир чылдагааның уламындан чугаа үезинде хенертөн үзүктeliшиккiн бооп турар черге салып болур, чижээ:

— Куулар Дамдынович ... мен ... сilerни ... мегелептим — дээш, ыглапкан. (О. Сувакпит.)

Мен аңаа ... демги ол ... ынак-тыр мен... (С. Сүрүң-оол.)

Ыңчалза-даа мен чүгле ийи-ле сөстү оон үнүнүн доктааган черинге канчаар өттүндүр чанғыланганын дыңнадыым:

— А-йыыр... йыыр... ыыр... ыы, маа... аа... аа... (С. Тока.)

Мон... мон...мон-чуш... Эчен-не бо! Мончуш деп ол чүзүл? Бo... бoр... бoрбa... A хупурап кал! Монгуш Борбаяк дээн ышкажыл! (С. Пюрбю.)

§ 65. Хөй секти өскерилгэ чокка ушта бижээн чүүлдүн (цитатаның) эгезинге, сөөлүнгэ азы ортузунга кызырган чериниң орнунга салып болур, чижээ:

“...Мээн оомну өске улус, ылаңгия Аны, дыңнап кагза, харын амыравас деп бе?..” (С. Пюрбю.)

“...Сеткилимгэ таваржыр сен дег кижи чок-тур. Дүнэ, хүндүс-даа сени сагыжымдан ыратпастадым...” (С. Сүрүң-оол.)

Авам мени ... аңаа дүнэ аппарганын сактып келдим. (А. Пушкин.)

СКОБКАЛАР

Скобкалар утка демдээнгэ хамааржып, чугаага янзы-бүрү немелде болгаш тайылбыр утка бээр. Скобкаларга аңгы-аңгы

сөстер, домак кезии, бүдүн домак болгаш бөлүк-даа домактар кирип болур.

§ 66. Скобкаларны домактың ниити утказынга азы ооң кежигүннеринң қайы-бирээзинге хамаарыштыр немелде тайылбыр бээр сөстерни болгаш домактарны аңгылаарынга хереглээр, чижээ:

Согуна кидин-не чечектелип турда, хар, долу чижектиг доңат болурга, үрезин ол чылын таравас, чүгле чеми (дазылдары) артар. (С. Сарыг-оол.)

Бир-ле чылын (уткан-дыр мен). Дунааргай хүн. Бичи-кижи дыдык өттүр көрүп ор мен. (А. Допчaa.)

§ 67. Скобкаларны домактың кежигүннери-бile грамматика ёзугаар холбашпаан тайылбыр чылдарны азы саннарны аңгылаарынга хереглээр, чижээ:

“Дөңгүр-оол” деп шининң жанрын “Тыва литератураның допчу очеригинде” (1952 ч.) социал комедия деп шын тодараткан. (А. Калзан.)

Карғы сумузунуң (1936 ч.) арат чонунуң улуг нуруузу бижиктиг (559 кижи). (С. Тока.)

§ 68. Скобкаларны домак иштинге чугаа аяны-бile хереглеттине бээр тускай терминнеринң болгаш үлегерлеп алган сөстерниң очулгazyн азы тайылбырын аңгылаарынга хереглээр, чижээ:

Күжүр Красноярск бо-ла болгай. Улуг-Хемни куду бадарга, хемниң солагай талазында кызыл эл кырында турага хоорайдыр. Ооң чылдагааны-бile Красный (кызыл) яр (эл) деп адап каан. (С. Тока.)

“Боттанган күзел” деп шининң конфлиktизи (чөрүлдээзи) политикиг утка-шынарлыг болгаш удурланышкак ийи социал угланышкыннарның үсүүлжиишкенинг, оларның аразында демиселингे үндезилеттинген. (А. Калзан.)

§ 69. Скобкаларны кандыг-бир кижиниң чугаазын азы иletkeliin дыңнакчыларның талазындан канчаар, кандыг аянныг уткуп, хүлээп алганын илереткен сөстерни азы домактарны аңгылаарынга хереглээр, чижээ:

Бистер база уругларывыска-даа, кадайларывыска-даа ынак бис, ынчалзажок, Таастың чугаалааны ышкаш, “чүвениң ужуру ында эвес болдур ийин, акы-дуңмалар!” (Каты. Динмиттиг адыш часкаашкыны). (М. Шолохов.)

§ 70. Скобкаларны ушта бижээн чүүлдүң (цитатаның) сөөлүнгө ооң авторунуң фамилиязын болгаш чогаалдың адын аңгылаарынга хереглээр, чижээ:

“Кижиниң катап-катап номчуксаазы келир, сагыш-сеткилди кезээде чырыдып, чылыдып, байырладып чоруур ховар чогаалчылар бар. Чечен сөстүң ындыг усчуларының аразында Тываның улустуң чогаалчызы С.А. Сарыг-оол кезээде арткан. (А. Калзан.)

§ 71. Скобкаларны шиң чогаалында ремарка деп тайылбыр домактарны азы сөстерни аңгылаарынга хереглээр, чижээ:

Иванов. Меңээ чулган чечек-даа херээ чок. Бо-дур — мээн чечээм. (Чечекмааже айтыр.) (С. Тока.)

Анай (унүп бар чыда). Чугула кампания үезинде культур-массалыг хемчээлдерни дүрген чедирер херек. (Сөөлгү сөстери сцена артынга төнөр.) (С. Пюрбю.)

КАВЫЧАЛАР

§ 72. Кавычкаларны ушта бижээн чүүлдерни (цитаталарны) тускайлаарынга хереглээр, чижээ:

“Аңнаары дээрge дыштанилга-дыр... Мону бистин чамдык тыва чогаалчыларыыс база эки билир. Олег Саган-оол улуг аңчы чораан. Степан Сарыг-оол сөөлгү хүннериңе чедир оран-делегейни одуртуп чорду. Салим Сүрүң-оол бодун Тывада эн улуг аңчы деп шуут-ла үзе санап алган кижи”. (К. Кудажы.)

“Кижи дириг чораан назынында чуну кылып кааныл, бодунун соонда кандыг ис арттырып кааныл, бо дугайы чугула болур ужурлуг”. (С. Пюрбю.)

§ 73. Чугаа иштинге бодунун анаа утказындан өскээр, кочулаан, шооткан аянныг кылдыр хереглеттинген сөстерни азы домактарны кавычкалар-бile тускайлаар, чижээ:

— Эх, “эмчини” сени-даа аар! — дээш, Оюнмаа хорадаандаа чүве дег, чөгөнгөн-даа чүве дег, базып чорупкан. (С. Пюрбю.)

Аас-бile “төрелим” дижир кижки-ле хөй. (С. Сарыг-оол.)
Ынчалза-даа бистин өл “мүнүвүстүн” соонда кижиниң чөм чиксээри дам баар. (С. Тока.)

§ 74. Кавычкаларны чогаалда киржип турар кым-бир кижиниң дыңналдыр чугаалавайн, чүгле иштинде бүдүү боданган бодалын илереткен домактарны азы сөстерни тускайлаарынга хереглээр, чижээ:

Маруся бодунуң чоок өңнүү Галинаны сагынган: “Бир эвес мээн хар ижээн иштинде чытканымны эжим көргөн болза, та чүү деп бодаар ыйнаан”. (О. Саган-оол.)

“Көстүк чүге ээрбес дээр сен?” деп, Бараан бодундан айтыртынган. “Ам-даа тыппаан-дыр” деп, сагыжы харыылаан. (Л. Чадамба.)

Ону көргөш, аайын тыппайн, оглу чиктиг бодангылаан: “Кырган-ачам көңгүс соора кырый берген эвес ыйнаан?” (К. Кудажы.)

§ 75. Кавычкаларны чогаал иштинге цитата хевирлиг ажыглаан үлөгер сөстерни, чечен домактарны тускайлаарынга хереглээр, чижээ:

“Тура чокта күш чок — дус чокта амдан чок” деп чүве олла ыйнаан — дидим. (С. Сүрүн-оол.)

Мен кайын эндээр мен. “Өдүрээн чассымза-даа, хөлүн часпас” болгай мен — дээш, даңзазын кырган хайыладыр соруп, чугаазынга улам шынзыгып, идегеп, чоргаарланып олур. (С. Тока.)

“Шаг шаа-бile турбас — чавылдак көгү-бile турбас” дээр чүве болгай. (С. Пюрбю.)

“Думчукка тулганда бызга сүгжү” дээш, авам мени эдертил алгаш чорупту. (М. Кенин-Лопсан.)

§ 76. Кавычкаларны чогаал номнарының, солуннарының, журналдарның, бүдүрүлгэ чөрлериниң, совхозтарның, колхозтарның, пароходтарның, корабльдерниң хууда аттарын болгаш орден, медаль чөргөлиг хавыяа аттарын тускайлаарынга хереглээр, чижээ:

М. Горькийниң “Ава” деп романы, “Правда” солун, “Шын солун, “Огонек” журнал, “Улуг-Хем” альманах, “Восток” деп космос корабли, “Өөр” совхоз, “Хүндүлелдин Демдээ” орден, “Алдын Сылдыс” медаль, “Серп и молот” завод.

Тайылбыр 1. Хуу аттарга **аттыг** деп сөс хөрөглээнде, оларны кавычкалар-бile тускайлавас, чижээ:

Ленин аттыг атомоход, Пушкин аттыг библиотека.

Тайылбыр 2. Орден-хавыяа аттарынга кирген сөстер бот-боттарының аразында хамаарылга холбаалыг чораанды, оларны кавычкалар-бile тускайлавас, чижээ:

Республика ордени, Тиилелге ордени.

ДОРТ ЧУГААЛЫГ ДОМАКТАРГА БИЖИК ДЕМДЕКТЕРИ

Дорт чугаа дээргэе кым-бир кижиниң чугаазын өскертүлгэ чокка каталтап дамчытканы болур.

§ 77. Дорт чугааны аңгылаарынга тире азы кавычкалар хереглээр:

1. Дорт чугаа абзацтан эгелээн болза, оон мурнунга тире салыр, чижээ:

Бичий уруг чүгүрүп олур алгырган:

— **Авамны көрбединер бе?** (М. Горький.)

— **Көөрүмгө, чөрле орустаарың шору оол-дур сен.**

Каяа мындыг кончуг өөренип алганың ол боор? — деп, хамыктың мурнунда намдар-төөгүм айтырды. (С. Тока.)

— **Кичээнин чорунаар, силерниң барааныңарны танып кагза, чаштына бээр болдур эвеспе** — деп, Аня чагаан. (К. Кудажы.)

2. Дорт чугаа абзацтан эгелевээн болза, ону кавычкалар-бile тускайлаар, чижээ:

Мен оон холундан туткаш, чугааладым: **“Аажок өөрүнчүг-дүр, кончуг-ла өөрүп тур мен”**. (М. Лермонтов.)

Ынчаарга ол Титок аан биске мынча дээн: **“Мен совет эрге-чагырганың дужсаалын күүседип, тарылга шөлүн көвүдедип тур мен...”** (М. Шолохов.)

§ 78. Дорт чугаа авторнуң (дорт чугааны дамчыдар кижиның) сөстериниң сөөлүнгө турда, ооң (дорт чугааның) мурнунга ийи сек салыр, чижээ:

Бир катап аңаа Печорин чугаалаан: “**Көөрүмгө, ол аyt сенээ дыка тааржыр ышкаш-тыр, Азamat**”. (М. Лермонтов.)

Ашак келгеш, аңаа сөглээн: “**Бисти каавыт, чоргаар кижи. Бистер черлик, хоойлуус чок...**” (А. Пушкин.)

Өг ишти чыглып кээрге, бир чылгычы айтырган:

— **Кедээр кайнаар чордуң, Хойлаар?** (К. Кудажы.)

§ 79. Дорт чугаа авторнуң сөстеринин мурнунга турда, оон (дорт чугааның) сөөлүнгө тире салыр, чижээ:

— **Өөреникчи кижи сен бе, сарым?** — деп, Давыдов чассыдып айтырган. (М. Шолохов.)

— **Отчугаш, кайда сен, аал?** — деп, Маскалдайның үнү дыңналган. (К. Кудажы.)

§ 80. Дорт чугаа авторнуң сөстеринин ортузунга кирер апарза, ооң мурнунга ийи сек, а сөөлүнгө тире салыр, чижээ:

Ашактан ол сүмө эреп чедип келгеш: “**Чылдагааны чүдел, кожа?**” — деп айтрып-тыр. (И. Крылов.)

Мен тургаш: “**Та кым билир ону, сен-даа бооп чадавас сен ыйнаасн**” — дидим. (М. Горький.)

§ 81. Дорт чугааның аразында кирген авторнуң сөстеринин мурнунга болгаш сөөлүнгө тире салыр, чижээ:

“**Шефчилер дөө ында** — дээш, ашак кымчызы-бile шашке айыткаш, — **тараа ажаажып турлар**” — диди. (Л. Чадамба.)

“**А силер кай баарыңар ол, акым?** — деп, диттип чадай-чадай, үнүм сирийнип айтрыдым. — **Мен канчаар мен?** (С. Пюрию.)

§ 82. Дорт чугааның иштинде кирген авторнуң сөстери дорт чугааның дараазында кезээн улай тайылбырлап турар болза, авторнуң ол сөстеринин сөөлүнде баштай ийи сек, ооң соонда тире салыр, чижээ:

—...**А бистер болза ядвы улус-тур бис ийин** — деп харыылааш: — **Ак кулун аyt бооп, сен улуг эр болу бергенинде, шаг-төре өскерлип, ядывлар, байлар дээр ылгал чиде бээр болдур ийин, оглум** — деп, Санчының сөткилин өөртүп каар. (В. Сагаан-оол.)

— **Аа, улуг өгде** — дээш, согаш кынгаш: — **Хүндүпей суг де?** — деп ылавылап удур айтрыа-дыр. (С. Пюрию.)

— **Чаа, айыткан бараан болуйн** — дээш, бир сөгүрээш, уламчылады: — **Сумунактың бодунуң чингине өөрү дээрge чүс-даа кайын ажар ол.** (С. Тока.)

§ 83. Бир абзац иштинге ийи кижиның аразында чугаазын улаштыр киирген болза, дорт чугаа болур домак бүрүзүн кавычкалар-бile ылгал көргүспүшсаан, домактарның аразын тиребиле аңглааар (ындыг таварылгаларда авторнуң сөстеринин мурнунга тире салбас), чижээ:

“**Бажың ээзиниң огул сен бе?**” деп, оолдан айтрыдым. — “**Чок**”. — “**Ыңчаарга кым сен ынчаш?**” — “**Өскүс түреңги мен ийин**”. — “**Бажыңың хөрээжен ээзиниң уруглары бар бе?**” — “**Чок; уруу турган чүве, татар-бile кады далай ындындыва дезип чоруй барган**”. — “**Чүү татар-бile?**” — “**Кым билирил ону!** Крым татары, Керчь чурттуг хемежи”. (М. Лермонтов.)

“**Мен сээн айдың эвес, колхоз айды мунуп тур мен**” дидим.

— “**Мен база колхоз айды мунуп тур мен**” деп өттүне-дир.

— “**Колхоз-даа айды болза, мээн өстүрүп каан малым-дыр**” дидим. — “**Ол база мээн өстүрүп каан малым-дыр**” дидир. (С. Пюрию.)

БИЖИК ДЕМДЕКТЕРИН КАДЫ ХЕРЕГЛЭЭРИ

§ 84. Биче сек биле тире демдекти кады хөрөглээрde, баштай биче сек, ооң соонда тире салыр. Бо ийи демдек колдуунда орун-туружу солуштур тургустунган домактарга азы домак кежигүннеринге хөрөглэтинер, чижээ:

— Эгенир кижи ыйнаан бо,— эмин эрттири хөйнү қылып турар болгаш. (С. Сүрүн-оол.)

Ча, ындыг-дыр, мен-даа хаптайн,— хувискаалдыг намның даалгазынга бараан болуп. (С. Тока.)

Өлүр четкен чөнүк чүве ыйнаан, — кижээ балазы халдаар чыгыны. (С. Пюробю.)

Чүге алгыра-дыр сен,— эп-чөп-бile чүве чугаалаарга. (“Самбуқайның чугаазы”.)

§ 85. Улуг сек, биче сек, бүдүн чартык сек, ийи сек, тире — бо демдектерни кавычкаларның сөөлгү кеззәниң мурнунга салбас, чүгле соонга салыр, чижээ:

“Ам черле дилээн чүвевисти тып алыр боор бис” — дээш, ававыс өгден эрги чаңы-бile кашпагайы сүргей үне халаан. (С. Тока.)

Чамдыкта хүнзедир-даа айтырарга, “ийе”, “чок” дээрден башка, чүнү-даа чугаалавас болгулаар. (М. Лермонтов.)

“Экии, эки, Эккендей-оол”. (Ю. Кюнзегеш.)

§ 86. Айтырыг, кыйгырыг демдектерин болгаш хөй сектерни кавычкаларның хагдынар кеззәниң мурнунга салыр, чижээ:

“Ындыг төлдү кандыг кадай төрээнил?” дээн, ында-мында кайгап-хараан кижи-ле хөй. (С. Пюробю.)

Амдыкы оол бир-ле катап: “Аъттарже!” деп, шериг кижи алгырганын дагга дыңнаан. (А. Пушкин.)

“Бо шагда, бистин амгы үевисте, аныяк боору дыка-ла аас-кекик-тир. Адаарганчыг-дыр...” (О. Саган-оол.)

“Э-эй, сilerde... чем кандыгыл...” деп ыыткыр үн-бile кыйгырып мындыг болбазыкпе. (М. Горький.)

§ 87. Бижикке кавычкалар иштинге кавычкалар дакпырлап кирер апарза, оларның даштындаазын азыгланчак « », а иштиндээзин анаа кавычкалар-бile айтыр, чижээ:

«Бир эвес ол кижи: “Чүнү боолап турганың ол?” деп айтыра берзе, чүү деп харылаар кижи боор мен?» — деп, боданып, арай чиктиим кончуг, серт-даа чок тур мен он. (С. Тока.)

«Кым билир ону, ооң-бile кады-кожа чурттап чораан эвес. “Кижиниң шокары иштinde, чыланның шокары даштында” деп чүве бар болгай». (С. Сүрүн-оол.)

§ 88. Ажыдар (эгелээр) азы хаар (дуглаар) скобканың мурнунга биче сек, бүдүн чартык сек, ийи сек, тире салбас, оларны чүгле хаар скобканың сөөлүнгө салыр, чижээ:

А Көге, Ток, Бадыргы (үжелээ Торгалыг чурттуг), Кылбан, Каржаалай, Суваң — алды кижи ол-ла хоорайга хоруп чыдып калдывыс. (С. Сарыг-оол.)

Чеде бээrimge, оларның аныяа (чээрби хар чаа ажып чоруур хире):

— Кайыын үндүнер, дом? Чүү дугайлыг, кайнаар моорлап бар чор сiler ыңар? — деп шоода аарак айтырды. (“Самбуқайның чугаазындан”.)

Евгений-даа ол-ла дораан
Эзиннелдир халдып-ла каан;
Акша ужун улуг тынып,
Авыяастаар, чалгаараар деп
(Ыңчаар бижип эгелээн мен);
Өөрүшкү чок белеткенип,
Өртээл дамчып улдал орган.

(А. Пушкин.)

Арбай сөөрткен ашак келди
(Ажылымны эгелэйн,
Авашылар база чанзын) —
Аңаа четкеш, соксал каалы.

(Ю. Кюнзегеш.)

§ 89. Бир эвес улуг сек, айтырыг болгаш кыйгырыг демдектери, хөй сек скобкалаан сөстерниң азы домактарның чүгле боттарынга хамаарышкан болза, оларны хаар (дуглаар) скобканың мурнунга салыр, чижээ:

Кадыр-Мээсче өскеп ора,
Кара-ла хөк бодал бодап,
Чортуп чоруур ашак-тыр мен.
(Чок-ла болза кыраан боор мен.)

(Ю. Кюнзегеш.)

Кыштың соогу дызырткайнып,
Ховуларда мөнгүннелген...
(Кызыл чечек дээрин манаан
Холуну дос, шымда, тут ма!)

(А. Пушкин.)

Делегейни бир-ле кылдыр
Денди-ле үр эдердивис.
Өөрүшкүлүг айттан дүжээ!
Өйү келген! (Ыңдыг але?)

(А. Пушкин.)

§ 90. Бир эвес улуг сек, айтырыг болгаш кыйгырыг демдектери, хөй сек скобкалаан сөстер-бile кады бүгү домакка хамаарышкан болза, оларны хаар скобканың сөөлүнгө салыр, чижээ:

Адавыс сilerге айт берди, бодунун эктиндөн тонун уштуп хайырлады (эзеринде хой кежи дергилеп каан болду). (А.Пушкин.)

§ 91. Хаар скобканың мурнунга кандыг-даа демдек турза, бүгү домактың ниити утказынга хамаарышкан бижик демдээн ооң (хаар скобканың) сөөлүнгө салыр, чижээ:

Сарыг баштыг эжи чааскаан
Човаан, түрээн ышкаш апаар
(“Сарыым” деп сөс оортан тыптып,
Чонга тараан эвес ирги?).

(Ю. Кюнзегеш.)

§ 92. Кайгаан, элдепсинген азы чиктигзинген айтырыглар болгаш дыңзыг аян илереткен домак сөөлүнгө хары угда айтырыг болгаш кыйгырыг демдектерин салып болур, чижээ:

— Чүнү бодап алган тур сiler?! — деп, тамыже көрбушаан, Тараска хыйланы аарап чугалаан. (Л. Кассиль.)
— Чүл, мени Лушка Нагульнова ... деп бодай-дыр сен бе?! Сен мээн холумну көр, ооң соонда ажыл дугайын айтыр. (М.Шолохов.)

— Шериг-оол! Кайда сен, оглум?! (С. Сүрүн-оол.)
Шаанда кандыг чоржук мен?! (С. Сарыг-оол.)

ДОПЧУЗУ

Бирги үндүрүлгезинин, эге сөзу	3
Ийги үндүрүлгезинин, эге сөзу	5
ТЫВА ОРФОГРАФИЯНЫҢ ДҮРҮМНЕРИ	
I. Тыва дылдын үннери болгаш оларның үжүктери	6
II. Чамдык үжүктөрниң адаттынар аяны	7
III. Ажык эвес үннөрниң үжүктөрин шын бижири	9
IV. Ажык үннөрниң үжүктөрин шын бижири	11
V. Сөс кожумактарын шын бижири	12
VI. Улегерлеп алган сөстерни шын бижири	14
VII. Сөстерни тудуш, дефистеп болгаш анғы бижири	17
Тудуш бижири	17
Дефистеп бижири	18
Анғы бижири	20
VIII. Улуг үжүктөрни хереглээри	21
IX. Хураангай нарын сөстерни шын номчuurу болгаш бижири	23
X. Сөстү шын көжүреринин чуруму	24
ТЫВА ПУНКТУАЦИЯ	
Улуг сек (точка)	26
Биче сек	27
I. Чагырышпаан нарын домак бооп каттышкан бөдүүн	
домактарның аразынга биче сек	27
II. Кол болгаш тайылбыр домактарның аразынга биче сек	29
III. Домактың чанғыс аймак көжигүннөринин аразынга биче сек	32
IV. Катаптаар сөстерниң аразынга биче сек	34
V. Деңнелгениң тайылбыр домактарынга болгаш	
бөлүглөдеринге биче сек	35
VI. Тайылбыр капсырылгаларынга биче сек	36
VII. Кол кылдыныгга немелде кылдыныгны илередир	
деепричастие биче сек	37
VIII. Домакта ёске сөстерни тодарадыр азы кызыгаарлаар	
сөстерге биче сек	38
IX. Кирилде сөстерге болгаш кирилде домактарга биче сек	39
X. Адалгага биче сек	40
XI. Аян сөстеринге биче сек	41
XII. Айттырыг, харыы сөстеринин база албадал, дужаал	
уткалтыг сөстерниң сөөлүнгө биче сек	41
XIII. Болза, дээрge, деп, дээш деп сөстерниң сөөлүнгө биче сек	42
Бүдүн чартык сек	43
Ийи сек	45
Тире	46
Айттырыг демдээ	50

Кыйгырыг демдээ	51
Хөй сек	52
Скобалар	53
Кавычкалар	55
Дорт чугаалыг домактарга бижик демдектери	57
Бижик демдектерин кады хереглээри	59

ПРАВИЛА ТУВИНСКОЙ ОРФОГРАФИИ И ПУНКТУАЦИИ

На тувинском языке

Ответственный редактор *Д. А. Монгуш*. Технический
редактор *С. К. Ооржак*. Корректоры *Т. Х. Калчан,*
Л. А. Ооржак.

Издательская лицензия рестилографии
ПЛД № 24—13 от 13.11.1998 г.
Сдано в набор 6.12.2000. Подписано в печать 4.01.2001.
Формат 60x84¹/₁₆. Гарнитура TextBook Tuva. Печать
офсетная. Физ. печ. л. 4 Уч.-изд. л. 3,45
Тираж 2000. Заказ 1209.

Типография Госкомитета РТ по печати и информации,
г. Кызыл, ул. Щетинкина и Кравченко, 1.

жан 3/5

ТЫВА РЕСПУБЛИКАНЫЦ ГУМАНИТАРЛЫГ
ШИНЧИЛЕЛДЕР ИНСТИТУДУ



ТЫВА
ОРФОГРАФИЯНЫЦ
БОЛГАШ
ПУНКТУАЦИЯНЫЦ
ДҮРҮМНЕРИ